

დემოკრატიული საქართველო

La Géorgie

Indépendante

Revue mensuelle

FEVRIER

1932—№ 74

ს ა ქ ა რ თ ვ ე ლ ო ს პ ო ლ ი ტ ი კ უ რ ი პ ა რ ტ ი ე ბ ი ს ო რ გ ა ნ ო .

შ ი ნ ა ა რ ს ი :

მეთაური—კავკასიის კონფედ. პაქტის პროექტი.
 ანჟანი—შავი დღე.
 მ.—ანი—გოეთეს წელიწადი.
 ი. წ.—ქართული წარმოდგენა პარიზში.
 ივ. წ.—ლი—ეროვნული მოძ. მაკპადიანთა შორის.
 უცხოეთის მიმოხილვა.
 საქართველოს ამბები.

გ. უ.—გიგო შარაშიძე.
 ლეონ ვასილევსკი.
 ადურბეიჯანელთა, უკრაინელთა შორის.
 მოძრაობა თურქესტანში.
 სირცხვილია.
 წერილები რედაქციის მიმართ.
 ს. ფინცხალავა—ისტორიული ამბები.

კავკასიის კონფედერაციის კაპტის კრონტი

მკითხველი იხილავს ქვევით კავკასიის კონფედერაციის პაქტის პროექტს, საქართველოს ეროვნულ ცენტრის მიერ შემუშავებულს პარიზში. ეს პირველი ცდაა, თუ არა ვცდებით, კავკასიის ოთხივე ერის სახელმწიფოებრივ კავშირის იურიდიულ ფორმებში ჩამოსხმისა და, როგორც ასეთი, შეიძლება უნაკლებად არ იყოს, მაგრამ დროული რომ არის, ვერავინ უარყოფს.

კავკასიის ერებმა კიდევ თავისუფლების რიყრაყზე იგრძნეს შეკავშირების და თანამშრომლობის საჭიროება. ამას ხელს უწყობდა, ერთის მხრით, კავკასიის გეოგრაფიული, ეკონომიური და აქედან პოლიტიკური მთლიანობა და, მეორეს მხრით, ერთ საუკუნეზე მეტი რუსეთის მფლობელობის ქვეშ ყოფნა, რომელსაც ბევრ უარყოფით მხარესთან ერთად არ შეეძლო არ გამოეწვია მცხოვრებთა დაახლოება ყოველდღიურ საქმიანობის ნიადაგზე.

ამის და მიხედვით პირველი თავისუფალი მმართველობა, ძველი რეჟიმის დამხობის შემდეგ, საერთო იყო ამიერ-კავკასიისათვის განსაკუთრებული კომიტეტის სახით (ოზაკომ). რუსეთის დროებითმა მთავრობამ არ მოისურვა—როგორც შემდეგ ბოლშევიკებმა—მთელთა გაერთიანება დანარჩენ სამ ერთან, თუმცა ისინი არ უშვებდენ არც ერთ შემთხვევას ერთმანეთისთვის ხელი გაეწვინათ.

როცა ბოლშევიკებმა მოიკალათეს რუსეთში, ამიერ-კავკასია ჯერ ფაქტიურად, შემდეგ ფორმალურად

რათ გამოეყო რუსეთს, და მაშინ—ფრიად საყურადღებოა—არავის მოსვლია თავში თვითეულ ერის დამოუკიდებლობის გამოცხადება, არამედ სამი ერთი საერთო ხელისუფლების ქვეშ მოექცა სეიმის და მთავრობის სახით. მაშინვე შესდგა მთავრობასთან კომისია, რომელსაც კავკასიის ფედერაციის კონსტიტუციის შედგენა დაევადა, და ამაში მთიელებსაც უნდა მიეღოთ მონაწილეობა.

მაგრამ ეს სახელმწიფოებრივი ორგანიზაცია ხანგრძლივი არ გამოდგა, იგი ჩქარა დაშალა გარედან მობერილმა ორმაგმა ქარიშხალმა, და თვითეულმა ერმა თავისი დამოუკიდებლობა გამოაცხადა. შემდეგაც არა ერთხელ უცდიათ დარღვეულ კავშირის აღდგენა თავისუფალ ერთა შორის, მაგრამ ამათ, მდგომარეობა ერთობ რთული იყო, გარეშე გავლენა კიდევ ერთობ ძლიერი ამისათვის.

და ოთხივე ერთი ამ მოუწყობლობის მსხვერპლი გახდა, როგორც ვიცით. ისინი ჩაიჭრენ არაჩვეულებრივ ეპოქის მიერ წარმოშობილ ისტორიულ გამოცდაზე და სათითაოდ დაჰკარგეს დამოუკიდებლობა.

საუბედუროდ, მარტო გარეშე გარემოებათ ვერ მივაწერთ მათ ჩაქრას, ერნი და მათი მესვეურნი ვერ მიუხვდენ ეპოქის მოთხოვნილებას, ვერ გამოიხატეს საერთო ენა, პირიქით, უნდობლობა, ქიშპობა და ხშირად აშკარა მტრობაც წესად იქცა მათ შორის. ამ სურათის მოწმე უცხოელთ იმედიცკი დაეკარ-

გათ, რომ კავკასიის ერები შეძლებდნენ ოდესმე კეთილმეზობლობას და ერთ პერსი ქვეშ მშვიდობიან ცხოვრებას. ზოგიერთი უფრო შორსაც მიდიოდა და აცხადებდა, კავკასიის დაზავება და ერთა ნორმალური განწყობილება შეუძლებელია, თუ რომელიმე ძლიერმა სახელმწიფომ არ იკისრა ეს როლი!

და ეს კიდევ მოხდა ბოლშევიკურ რუსეთის მეზობლები: სამარის სიჩუმე ჩამოაგდო, გაათანაწორა ერთი და ცალკე პირნი უფლებებში, სიდატაკეში, მონობაში. ამიერ-კავკასიის «ფედერაცია» კი უწყალობა მან, რომლითაც გააუქმა ცალკე ერთა დამოუკიდებლობა და დღეს მისი მოხელენი განაგებენ ყველასი და თვითულის ბედს.

აი ამ შეუფერებელ და გაზვიადებულ ლეგენდას, ვითომ კავკასიის ერთ არ უწყრიათ მეგობრული განწყობილება, ჩვენ უნდა დაგუბირდაპირობოთ მათი საერთო ფორტი. იგი უკვე არსებობს ადგილზედ— ბრძოლის ფორტი. კავკასიის ერთი ერთათ და ცალ-ცალკე ეწევიან განმათავისუფლებელ ბრძოლას ჩრდილოეთიდან მოვლენილ საშინელ მტერთან, ისინი ძმობილდებიან თვით ბრძოლის ველზედ, მათ მიერ დაღვრილი სისხლი ცალკე ნაკადულებიდან ერთ დიდ მდინარედ ქცეულა და საბოლოო საზღვრებს ავლებს კავკასიასა და რუსეთს შორის.

ძმობა ბრძოლაში მოითხოვს ძმობას თავისუფლებაში. პირველია საშუალება, მეორე კი მიზანი. შეუძლებელია თავდადება, თუ მას არ ასულდგმულებს იდეალი. კავკასიის ერებს—საქართველოს, აზერბეიჯანს, სომხეთს, მთას—აქვთ იდეალი: დამოუკიდებლობა და კავშირი ურთიერთ შორის.

ამ იდეალით გამსჭვალულნი კავკასიის ოთხივე ერის კანონიერი წარმომადგენელნი კიდევ ივნისში 1921 წ. აწერენ ხელს საერთო დეკლარაციას. რომელიც აღიარებს კავშირის აუცილებლობას სამხედრო, საბაჟო და დიპლომატიურ სფეროში, საზღვრების დავის სავალდებულო არბიტრაჟისთვის გადაცემით. კიდევ უფრო გადაჭრით აღიარებენ იგივე წარმომადგენელნი კავკასიის ეკონომიურ და პოლიტიკურ მთლიანობას მეორე დეკლარაციაში სექტემბერს 1924 წ., ქართველ ერის აჯანყების მეორე დღეს.

იმავე წლის ნოემბერს საქართველოს, აზერბეიჯანის და მთის წარმომადგენელნი, გრძნობენ რა საჭიროებას ამ ურთიერთობას თვისი სახელი დაერქვას, იღებენ კონფედერაციას, როგორც იურიდიულ ფორმას კავკასიის ერთა კავშირისა მომავალში. მათ იკისრეს იმავე დროს კონსტიტუციის ან მისი მთავარ დებულებათა პროექტის შედგენა კიდევ უცხოეთში. სომხეთის წარმომადგენელნი ამა თუ იმ მოსახრებით არ მიეკედლენ ამ გადაწყვეტილებას; თუმ-

ცა, ცხადია, მათი ერი უფრო არის დაინტერესებული და უფრო მეტის ხალისით შევა კონფედერაციაში, ვინემ რომელიმე მისი მეზობელი.

ამ რიგათ, ქვევით მოთავსებული პროექტი მხოლოდ განადგება რვა წლის აღებულ ვალდებულებებსა. შევეხოთ ვაკვრით ზოგიერთ მის დამახასიათებელ მხარეს, რადგან საფუძვლიანი განხილვა თვითუფლებულ მუხლისა მოთავსდება ვახეთის შემდეგ ნომრებში. აქვე დავსძენთ, რომ ჩვენ სიამოვნებით მოვითავსებთ მკითხველის წერილებსაც იმავე საგანზე. განსაკუთრებით საქართველოდან.

რატომ კონფედერაცია და არა ფედერაცია იქნა არჩეული, როგორც 1918 წ., კავკასიის კავშირის გამოცხადებულად? იმიტომ რომ სახელმწიფო უზენაესობის მატარებლად ისევ ცალკე ერები რჩებიან და, თუ მაინც თმობენ ისინი რამეს ამ მხრივ. ეს იმდენათ, რამდენათ ამას მათი საერთო ინტერესები მოითხოვს. უბრალო შემთხვევას არ მიეწერება ამიტომ, რომ თვით პროექტს პაქტი დაერქვა და ამით ის თითქო ერთა ლიგას გვაგონებს თავისი მუდმივი სამდივნოთი და სახელმწიფოთა საბჭოთი. მაგრამ ეს მზავსება უფრო გარეგნულია, ვინემ შინაარსის მხრივ.

კავკასია წარმოადგენს უცხო სახელმწიფოთა მიმართ მთლიან პოლიტიკურ და ეკონომიურ ერთეულს. კონფედერაციის დანიშნულებაა ამ ერთეულის დაცვა გარედან, აქედან მისი კომპეტენციაც ისეთია, როგორიც გამომდინარეობს უცხოეთთან დამოკიდებულებისაგან. საერთო საბაჟო საზღვრები, თავდაცვა, დიპლომატია—აი, მამასადამე, ის სამი დარგი, რომელიც მას ენდობა.

კონფედერაციას არა აქვს საერთო პარლამენტი, რადგან ის არა სცემს კანონებს ამ სიტყვის ნამდვილი მნიშვნელობით. სახელმწიფოთა საბჭო უფრო აღმასრულებელი ორგანოა, ვინემ საკანონმდებლო; მასში შემავალი თვითუფლები ეროვნული დელეგაცია ასრულებს მის გამომგზავნ მთავრობის დირექტივებს და, თუ ოთხივე დელეგაციამ რამე ახალი ზომა მოითხოვს თავის თაოსნობით, მაშინაც უკანასკნელი სიტყვა იმავე მთავრობათ ეკუთვნის. რათა ბოლომდის დაცულ იქნას, ერთა უზენაესობა, მაიორიზაციას ადგილი არა აქვს სახელმწიფოთა საბჭოში თვითუფლები დადგენილება მიღებულ უნდა იქნას ერთხმათ.

განსაკუთრებული ადგილი უკირავს კონფედერაციის მუდმივ სამდივნოს. ის არის თავისი სამი ბიუროთი—საგარეო საქმეების, ფინანსების, თავდაცვის—ნამდვილი ლაბორატორია, სადაც სწავლობენ და ამზადებენ გეგმებს დასახლებულ სამ დარგში. იმავე დროს სამდივნო არის ცოცხალი კავშირი ოთხივე ერის და მათი სახელმწიფო დაწესებულებების.



ნუ დაივიწყებთ, სახელმწიფოთა საბჭოს დადგენილებები, თუმცა მათი სისრულეში მოყვანა, რამდენად შინაურ განწყობილებას ეხებოდა, ცალკე სახელმწიფოთა ორგანოებს ენდობა, მაგრამ გადამცემი ინსტანცია და ინსტრუქციების მიმცემი იგივე მუდმივი სამდივნოა. ის ზღვება, ასე ვსთქვათ, კონფედერაციის საქმიანობის ცენტრად და მისი რეზიდენცია პირველი ჩანასახია კავკასიის კონფედერაციის დედაქალაქისა.

კონფედერაციას აქვს მესამე მნიშვნელოვანი ორგანო—ფედერალური სამსახულო. კონფედერაციისა და ცალკე სახელმწიფოთა ორგანოებ შორის, აგრეთვე თვით სახელმწიფოთა შორის ყოველთვის შესაძლებელია დავა ამა თუ იმ კითხვაზე. ფედერალური სამსახულო ვალდებულია დავა განიხილოს და დასდოს თავისი პირთუნელი მსჯავრი, ამისათვის მსაჯულნი უცვლელნი არიან სიცოცხლეში.

ჩვენ დაგვჩნა ორიოდ სიტყვით შევეხეთ კონფედერაციის პრეზიდენტს და დიპლომატიურ წარმომადგენლობას შინ და გარეთ. თავის თავათ ლოდიკურია, თუ კავკასიის კონფედერაცია მთლიან ერთეულს წარმოადგენს გარეთ, მას უნდა ჰყავდეს თავისი მეთაურიც ანუ პრეზიდენტი. ეს მეთაურობა მოუწევს სახელმწიფოთა საბჭოს თავმჯდომარეს, არჩეულს ერთი წლით და მორიგობით თვითეულ ერის დელეგაციიდან.

საგულისხმეორა სახელმწიფოთა საბჭოს უფლება დანიშნოს ელჩები უცხო სახელმწიფოთა კარხედ და მიიღოს მათგან ელჩები. პროექტის თანახმად ცალკე სახელმწიფოს სრულიად ერთმევა ეს უფლება და მით თითქო ჰკარგავს საერთაშორისო სუბიექტის უფლებას. ეს ისეთი მსხვერპლია, რომელიც გულისხმობს, ერთის მხრით, ყოველგვარ უნდობლობის ძირიან-ფესვიანათ ამოგდებას კავკასიის ერთა შორის და, მეორეს მხრით, სრულიად ურეზერვო განთავისუფლებას გარეშე გავლენათაგან.

ჩვენი მხურვალე და გულწრფელი სურვილია, რომ ეს ახდეს. დეე, წარსული მწარე გაკვეთილები ამის თავდებად იქცეს.

უნდა აღვნიშნოთ დასასრულ, რომ მთელი ეს პროექტი ძალაში შევა მისი რატიფიკაციის შემდეგ ოთხივე ერის სრულუფლებიან ორგანოს მიერ. მაშასადამე, ეს მოხდება, როცა თვით ერნი განთავისუფლდებიან უცხოეთის ბატონობისაგან და საშუალება მიეცემათ მოიწვიონ თვითეულმა თავისი პარლამენტი.

იმ დროს, როცა მთელი კავკასია ბრძოლის ველად ქცეულა, განსაკუთრებით დროულია მებრძოლ ერთათვის გარკვევით იცოდენ, რისთვის იბრძვიან, რა აწერია მათ დროშაზედ და ამ მხრივ კონფედერა-

ციის პაქტის პროექტს დიდი სარგებლობის მოტანა შეუძლია.

მეორეს მხრით უცხოეთში, სადაც ჩვენ ვმუშაობთ, უაღრესათ საქირაო გეგონდეს საშუალება სასტიკათ შევებრძოლოთ მტრისა და რუს ემიგრაციის მიერ გავრცელებულ ჭორებს კავკასიის ერთა შორის თვით შუღლზე და დაუმტკიცოთ უცხოეთის სახელმწიფო მოღვაწეთ სრულიად წინამდებე: მათი მისწრაფება დამოუკიდებლობისა და კონფედერაციისადმი.

**კავკასიის კონფედერაციის პაქტის
პ რ ო ე ქ ტ ი**

კავკასიის რესპუბლიკები: სომხეთი, ადერბეიჯანი, ჩრდილო კავკასია და საქართველო—გამშუვალულნი იმის სურვილით, რომ განამტკიცონ თავიანთი დამოუკიდებლობა, ემსახურონ მშვიდობიანობას და წარმატონ საერთო კეთილდღეობა,—სდებენ ურთერთს შორის კავკასიის კონფედერაციის ამა პაქტს.

ა) სასგლეთა განაწილება.

- 1 მუხლი. სახელმწიფოებს წევრებს შენარჩუნებული აქვთ თავიანთი სუვერენობა სრულად და მთლიანად და განახორციელებენ ყველა უფლებას, რომელიც გარკვევით და გამორიცხვითი წესით არაა გადაცემული საკონფედერაციო ძალაუფლების ორგანოებისთვის.
- 2 მუხლი. მხოლოდ კონფედერაციას აქვს უფლება გამოაცხადოს ომი, შეკრას კავშირები და დასდვას სამშვიდობო და საბაჟო ხელშეკრულობანი.
- 3 მუხლი. კონფედერაციაში შესულ სახელმწიფოებს აკრძალული აქვთ შეკრან ერთმანეთს შორის ყოველი კავშირი და ყოველი პოლიტიკური ხელშეკრულობა.
- 4 მუხლი. მხოლოდ კონფედერაციას ეკუთვნის ლეგაციის უფლება.
- 5 მუხლი. კონფედერაციას აქვს ერთი საბაჟო საზღვარი.
- 6 მუხლი. კონფედერაციის სახსრები შესდგება წევრ-სახელმწიფოების დაწესებულ გადასახადისაგან.
- 7 მუხლი. კონფედერაციას არა ჰყავს საკუთარი ჯარი, ხოლო ეყოლება მთავარი შტაბი. საგარეო საფრთხის დროს და სახელმწიფოთა საბჭოს მოთხოვნით, თითოეული სახელმწიფო მოვალეა გადასცეს საკონფედერაციო ხელისუფლების განკარგულებაში განსაზღვრული რაოდენობა ჯარისა. შეერთებულ ჯარებს ხელმძღვანელობს სახელმწიფოთა საბჭოს დანიშნული მთავარსარდალი.

შენი შვნა: განსაკუთრებული სამხედრო შეთანხმება განსაზღვრავს თითოეული სახელმწიფოს ჯარის რაოდენობას.

8 მუსლი. კონფედერაციაში შესულ სახელმწიფოებს აკრძალული აქვთ ერთმანეთში ომი. ყოველი დავა, რომელიც შეიძლება ჩამოვარდეს მათ შორის, უნდა გადაიჭრას ან საკონფედერაციო სასამართლოს ან სავალდებულო არბიტრაჟის მიერ.

ბ) კონფედერაციის ორგანოები.

9 მუსლი. კონფედერაციის ორგანოებია:
ა) სახელმწიფოთა საბჭო.
ბ) მუდმივი სამდივნო.
გ) საკონფედერაციო სასამართლო.

10 მუსლი. საკონფედერაციო ხელისუფლება და ყოველი მისი დაწესებულება მოთავსდება კონფედერაციის დედა-ქალაქში.

11 მუსლი. სახელმწიფოთა საბჭო.
1. სახელმწიფოთა საბჭო შესდგება კონფედერაციაში შესულ სახელმწიფოთა თითოეულ მთავრობის სამ-სამი დელეგატისგან.
2. სახელმწიფოთა საბჭოში თითო წლით, მორიგეობით, თავმჯდომარეობს კონფედერაციაში შესულ თითოეულ სახელმწიფოს დელეგატი.
3. სახელმწიფოთა საბჭო იკრებიება განსაზღვრულ ვადებში და აგრეთვე როცა გარემოება ამას მოითხოვს. თითოეულს სახელმწიფოს შეუძლია მოსთხოვოს კონფედერაციის მთავარს მდივანს სახელმწიფოთა საბჭოს მოწვევა არაჩვეულებრივ კრებისთვის. მთავარი მდივანი ვალდებულია ამ მოთხოვნას მსვლელობა მისცეს.
4. სახელმწიფოთა საბჭოს გადაწყვეტილება უნდა იქნეს მიღებული ერთხმად. საბჭოს გარდაწყვეტილება, კონფედერაციის ძალაუფლების სახელს საქმისთვის მიღებული, სავალდებულოა კონფედერაციაში შესულ სახელმწიფოებისთვის.

5. სახელმწიფოთა საბჭო განიხილავს საქმეთ, რომელიც ამა პაქტის ძალით ეკუთვნის საკონფედერაციო ძალაუფლების სახელს. სახელდობრ მას ეკისრება შემდეგი საქმეები:
ა) კავშირების შეკერა, სამშვიდობო და საბაჟო ხელშეკრულებათა დადება;
ბ) ომის გამოცხადება;

გ) დამოკიდებულება უცხოეთთან; ელჩების გაგზავნა და მათი მიღება;
დ) დანიშვნა მთავარსარდლისა საკონფედერაციო ჯარისთვის ომის დროს და კონფედერაციის მთავარ მდივანისა;
ე) კონფედერაციის ხარჯთაღრიცხვის შედგენა.

12 მუსლი. მუდმივი სამდივნო.
1. მუდმივ სამდივნოს შეადგენენ მთავარი მდივანი და სამი მისი თანაშემწე მდივანი, რომლებიც ხელმძღვანელობენ სამს ტექნიკურ ბიუროს: სავარაუდო საქმეების, ფინანსების და სახელმწიფო თავდაცვის.

2. მთავარს მდივანს ირჩევს სახელმწიფოთა საბჭო. თანაშემწე მდივნებს ნიშნავს მთავარი მდივანი სახელმწიფოთა საბჭოს დასტურით.
3. მთავარი მდივნის მოვალეობაა შემდეგი:
ა) უზრუნველ ჰყოფს კავშირს კონფედერაციაში შესულ სახელმწიფოთა და საკონფედერაციო ხელისუფლებას შორის;
ბ) განაგებს კონფედერაციის საქმეთ და და ასრულებს მიმდინარე საქმეებს;
გ) შეადგენს და წარუდგენს სახელმწიფოთა საბჭოს კონფედერაციის ხარჯთაღრიცხვის პროექტს;
დ) წარუდგენს სახელმწიფოთა საბჭოს ყოველწლიურ მოხსენებას საკონფედერაციო საქმეთა მსვლელობის და გასული წლის ხარჯთაღრიცხვის შესრულების შესახებ.

13 მუსლი. საკონფედერაციო სასამართლო.
1. საკონფედერაციო სასამართლო შესდგება თორმეტი წევრისაგან, რომელთაც ნიშნავენ მთელი სიცოცხლით პარლამენტები—თითოეულ სახელმწიფოს სამსამს.
2. საკონფედერაციო სასამართლო განიხილავს:
ყოველს დავას საკონფედერაციო ხელი-სუფობასა და კონფედერაციაში შესულ სახელმწიფოთა შორის და აგრეთვე ამ სახელმწიფოთა დავას ერთმანეთს შორის.
3. საკონფედერაციო სასამართლოს დადგენილება სავალდებულოა საკონფედერაციო ხელისუფლებისა და კონფედერაციაში შესულ სახელმწიფოებისთვის.

გ. სახილავი დებულებანი.
14 მუსლი. სახელმწიფოთა საბჭოს გადაწყვეტილების შესრულება გადაეცემა კონფედერაციაში შესულ სახელმწიფოებს.
15 მუსლი. განსაკუთრებული შეთანხმებანი იქნება შემუშავებული შემდეგი საგნებისთვის:
1. ფულის გაერთიანების,
2. რკინის გზების გაერთიანების,
3. ფოსტა-ტელეგრაფის და ტელეფონის გაერთიანების,
4. საწონისა და სახომისათვის.

16 მუსლი. ამა პაქტის არც ერთი მუხლი არ შეიძლება შეიცვალოს, თუ ეს არ იქმნა მიღებული ერთხმად სახელმწიფოთა საბჭოს მიერ და დამტკიცებული კონფედერაციაში შესულ სახელმწიფოების საკანონმდებლო დაწესებულებების მიერ.
17 მუსლი. ეს პაქტი შევა ძალაში დღიდან მისი დამტკიცებისა კონფედერაციაში შესულ სახელმწიფოების მიერ.



შ ა ვ ი დ ლ ე

25 თებერვალი არის საქართველოს შავი დღე. ამ დღეს თითქოს გაითხარა საფლავი. სადაც მტრები სამუდამოდ დასაფლავებას უპირებდნენ საქართველოს თავისუფლებას. ამ დღეს შემოიჭრენ ჩვენს დედაქალაქში რუსის ურდოები, რომელთაც უკან მოსდევდნენ ქართველი ერის რამდენიმე უკანონო შვილები, სამშობლოსა და ხალხის მოღალატენი მახარაძეები, ორჯონიკიძეები, ორახელაშვილები და სხვები მათი მსგავსნი.

ეს დღე, რომელიც არის ქართველი ერის გლოვის დღე, აგერ უკვე II წელია გახდა საოკუპაციო ხელისუფლების საზეიმო და სადღესასწაულო დღეთ და რაც ყველაზე უფრო უმკაცრესია და გაუგონარი ცინიზმი—მტერს სურს ძონძებში გახვეულ ქართველ სალხსაც აუქმებოს და ადღესასწაულოს ეს დღე—დღე მისი გლოვისა.—და აი, ამ საბედისწერო დღიდან—როცა თბილისი სტოველი ქართველი ჯარი—იწყება ტანჯვა, აუტანელი ვაება ქართველი ხალხის განუზრუნველად კლასისა, განიავება მისი მატერიალური ქონების, დაზიანება და დასუსტება მისი ფიზიკური არსებობის, შელახვა მისი კულტურის, მისი მორალური ცხოვრების, მოსპობა მისი ყოველგვარ თავისუფლებისა და თვითმოქმედების.

მიუხედავად იმ ჯოჯოხეთურ პირობებისა, რომელშიდაც ის ჩააყენა მტერმა და რომლის მსგავსი მას არ მოსწრებია ისტორიაში,—ქართველი ერი მაინც იბრძვის, იბრძვის განუწყვეტლივ, ყოველნაირ საშუალებით და საუბედუროთ ამ უსწორო ბრძოლაში სწირავს თავის საუკეთესო შვილების მრავალ სიცოცხლეს და თავისუფლებას.

მტერი ხარობს, მაგრამ ქართველი ერი იმედს არ კარგავს. მთელი განათლებული და მოწინავე კაცობრიობის თანაგრძნობა და სინდისი მის მხარეზეა. ისტორიულ აუცილებლობას ემყარება ის. მაგრამ ჯერ კიდევ ვეგბ ვერ დაკრას გამარჯვების ზარმა და საჭიროა მოთმინება, დარაზნება და გმირული თავშეკავება, დაზოგვა ეროვნული ძალის, სანამ არ მოახლოვებულია საათი... ვეზნადოთ და ვიცხოვროთ მომავლის იმედით. გავიმაგროთ გული! ვ. პიუგო—ეს დიდი ლტოლვილი—ეუბნებოდა 1852 ში პოლენელებს, რომელნიც ჩვენს მდგომარეობაში იყვნენ იმ დროს: «სიცოცხლე უნდა აღვიაროთ და გამოვაჩინოთ სწორედ მაშვინ, როცა გვეგონია, რომ კუმბს ფიცარს დაჭედას უპირებენ». ილია ჭავჭავაძე კი გვასწავლიდა: «მართო გულგაუტეხელი მებრძოლი დანიარჩუნებს ბურთს და მოედანს!»!

ბარბაროსობა მუდამ არ ინავარდებს. რუსეთი მუდამ ბატონობას ვერ შესძლებს. ჩვენ ვიცით, თუ რა მოელის დამპყრობელს, ტირანას. ვიცით, თუ როგორ განთავისუფლდნენ და თავისუფლდებიან ერები. ერი არ კვდება. თუ მას ეს არ სურს, თუ მას აბადია ნების ყოფა, თუ მას გააჩნია ბრძოლის უნარი. ქართველი ერის ხანგრძლივი ისტორია, კი ამტკიცებს, რომ ამ თვისებებს ის მოკლებული არ არის. ამბობს იგივე პიუგო: «როცა ტირანე-

ბი ადებენ ეოს საფლავის ქვას, რას სჩადიან ამით? მათ გონიათ, რომ დამარხეს ერი. მარა მარხავენ კი იღვას. საფლავი კი არასწარმოადგენს მისთვის, რაც არ კვდება. და იღვა ხომ უკვდავია». საქართველო გახდა დამოუკიდებლობის იღვა და სიმბოლო; ვერავითარი უხეში ძალა მას ვერ ჩაკლავს! «დესპოტები კვდებიან, ერები კი არსებობას განაგრძობენ».

საჭიროა მოთმინება, თავის შენახვა... ბნელი ღამე მუდამ არ იმეფებს... ერთმა მწერალმა სთქვა: «ნუ გაქვთ ეჭვი გამოდარების, როცა ქარიშხალი მძაფრია, ნუ უარყოფთ გათენებას, როცა ღამეა».

25 თებერვალი გაქვდა. 26 მაისის ბრწინავლე დღე ხელახლა გათენდება და თავისუფალი ქართველი ერი დიდ გუნდათ ქცეული ერთხმად მიესალმება განთიადს «დიდების» მძლავრი გუგუნით!..

ანქანი.

გ ო ე თ ე ს წ ე ლ ი წ ა დ ი

ასე მონათლა გერმანელმა ხალხმა მიმდინარე წელიწადი. 22 მარტს 1932 წელს სრულდება ასი წელიწადი დიდი ვაიმარელის გარდაცვალებიდან.

დიდი ხანია უკვე მთელი გერმანია დიდი მონდომებით ემზადება ამ დღის,—ამ წელიწადის ღირსეულად შესახვედრათ,—ეს დღე ხომ მართლა ეროვნული დღესასწაულია. ეს წელიწადი ხომ მისი წინსვლის, მისი კულტურის სიმბოლოა. დამთელა ერი, მიუხედავად საშინელ ეკონომიურ გაჭირვების და პოლიტიკურ დაქსაქსვისა, ერთსულოვნაია ამ ადამიანის დაფასებაში. რომლის შემოქმედებამ გერმანული ლიტერატურას მსოფლიო მნიშვნელობა მიუბოვავა; და ამიტომ სურვილი აქვს განსაკუთრებული თავისი გრძნობები წრფელ ფორმებში გამოხატოს.

და ის გზებს ეძებს ამ ფორმებისათვის.

საინტერესოა ის აზრთა გაცკლა-გამოცკლა, ამ წლის დასაწყისის წინ რომ უძღოდა ყოველკვირეულ ლიტერატურულ ჟურნალში «დი ლიტ. ველტ.».

ამ ჟურნალმა დაბეჭდა წერილი სათაურით: «ვიდღესასწაულოთ თუ არა გოეთეს წელიწადი?» და დაუგზავნა საპასუხოდ ცნობილ მწერლებს და მეცნიერებს.

რას სწერდა ჟურნალი? დიდი უმრავლესობა გერმანელ ხალხისა კითხვავ: როგორ უნდა ვიდღესასწაულოთ გოეთეს წელიწადი...—კითხითვე უპასუხებდა: «ნუ თუ, ბატონებო, თქვენ სხვა საზრუნავი არ გაქვთ?»!

გოეთეს მემკვიდრეობა დღეს—სულ პატარა გემონაკლისით—გაფლანგულია. რაც იყო სათქმელი ჩვენ დიდ მწერალზე, უკვე ითქვა,—ახალ ვერავინ იტყვის, რადგან აღარ არის მართლა ცხოველი დამოკიდებულება მის შემოქმედებასა და გერმანელ ხალხის დღევანდელ შეგნებას შორის.

ჩვენ, ჩვენს გაჭირვებაში, შეგვიძლია თამამად უარი ვთქვათ რამოდენიმე ათეულ ახალ გოეთე-ბიოგრაფია და გოეთე-კომენტარზე, რადგან ყველაფერი ან განმეორება იქნება, ან უმნიშვნელო ფრაზა. და ვინც ჭეშმარიტ პატივსა სცემს დიდ ვაიმარელის მ-

გიურ ფიგურას, ვისაც ესმის იგი (და ასეთები ცოტანი არიან), მან უარი სთქვას სახეიმო სიტყაზე, — ფრაზაზე.

რას უნდა ველოდეთ, აბა, ჩვენ თუ არა ფრაზას, ყალბ სიტყვას?! ახალგაზდობა, სკოლა!.. სკოლამ დამახინჯა გოეთი: მან უარყო მისი კოსმოპოლიტიზმი, ჰუმანიზმი, მისი გატაცება ბერძნულ ანტიკით, მისი პატრიარქალური კვიციზმი. რას მოგვცემენ ჩვენ გოეთს დღეები სკოლებში, თუ არა ყალბ ფრაზას და ნაძალადეგ ინტერპრეტაციას?

რა არის, [თუ არა ყალბი სიტყვა გოეთს «ზედროულად» გამოცხადება და ამით ვითომდა მისი «სწინის» ცდა,—გოეთს, რომელიც ასე დაკავშირებულია მიწასთან, სიცოცხლესთან, მის თბილად მსუნთქავ ტანთან, რომელიც მუდმივ ორგანიულ ზრდაშია?!..

მხოლოდ ადამიანურმა გოეთში შექნა სეადამიანური, მხოლოდ დროულმა აღამალა ის სეადროულამდე.

ამიტომ სიჩუმით ჩაუაროთ ჩვენ გოეთს წელიწადს!.. სიჩუმე გვმართებს, სრული სიჩუმე და განსაკუთრებით იმათ—და ასეთები ცოტანი არიან—ვისაც საზოგადოდ უთლება აქვს და ლეგიტიმაცია გოეთზე ილაპარაკოს. გოეთს ხსენებას არ ესაჭიროება დღესასწაულები: მრავალ თაობას გაისტუმრებს ისედაც ვაიმარელი.

ბევრმა გასცა პასუხი ჟურნალს. მოვიყვან რამოდენიმეს, უფრო საინტერესოს.

ი. ვასერმანი. ასეთი უნივერსალური ფიგურის, როგორც გოეთა, დღესასწაული ნიშნავს მისი გნით, რომელიც უნივერსალურია, ერთმანეთის გაგებას. ეს იმას ნიშნავს, რომ ვდგნება და ჰუმანიზმი, ვიცნოდ ჩვენ ცხოვრების კათეგორიებათ. ამის მაგივრად იქნება სიტყვები—ეს გამხმარნი ფოთოლნი ჩვენი არსებობის უდაბონისა, რომელიცა გაფანტავს საშინელი ქარი სიძულვილის, შიშისა და საუკუნო განსასვენებლად ერთ ადგილს მიუჩენს—გაზეთის ქალაღდზე. არის განა საჭირო მღვდელმსახურება იმ ქვეყანაში, რომელსაც ღმერთი არ უნდა?

აქ უგულო ვედრება იქცევა ტანჯავად, ქემა-დიდება-სიბრუნედ. სიჩუმეს ითხოვს ვასერმანიც. ერთა ლიგას, ამბოს ის, უნდა ჰყავდეს ხელოვნებისა და მეცნიერების მცველი, რომელიც ასეთ შემთხვევებში დეკრეტებს უნდა სცემდეს: სიჩუმე! გოეთს შეუძლია ცდა, მას აქვს დრო!

ემილ ლუდვიგი, რომელსაც ორტომიანი შრომა აქვს გოეთზე გამოქვეყნებული, წინადადებას იძლევა გამოქვეყნდეს ნარჩევი აზრები გოეთს გერმანელ ხალხზე: გაზეთებში, უნივერსიტეტებში, სკოლებში, პარლამენტებში, საზოგადოებებში. ამით უფრო მეტს ისწავლის და შეიგნებს გერმანელი, ვიდრე სადღესასწაულო სიტყვებით, რომლებშიდაც მან, ასე წლის გაუვებრობის შემდეგ, თავისი თავი უნდა ნახოს.

ტომას მანი. ბოდიშს ვიხდი, მაგრამ არ შემიძლია სერიოზულად მივიღო თქვენი წინადადება. მთელი კაცობრიობის სურვილია ღირსეულად შეხვდეს ამ დღესასწაულს: საფრ. თეატრი სდგამს «ფაუსტს»,

კოლუმბია—უნივერსიტეტი ნიუიორკში იწვევს ჰაუტმანს პირველ სახეიმო სიტყვისათვის. მწერლობის და ხელოვნ. მუღმ. კომისია ერთა ლიგასთან არსებული ნიშნავს თავის სხდომებს გაზაფხულზე ფრანკფურტში და პირველი სხდომა გოეთს სახსოვარია.—გერმანია კი უნდა გაჩუმდეს!..

კითხვა-პასუხი, რომელიც თქვენ გერმანელ ხალხს პირში ჩაუდევით, ეწინააღმდეგება თქვენსავე შეხედულებას ეთიკაზე, ხელოვნებაზე, ფსიქოლოგიაზე. არავითარი სხვა საზრუნავი?!.. რასაკვირველი, ყოველერს აქვს საზრუნავი. გერმანელ ხალხსაც აქვს, ჰქონდა და ექნება საზრუნავი—სხვა საზრუნავიც. გარდა ეკონომიურისა. მე დარწმუნებული ვარ, რომ გერმანიის უმთავრესი საზრუნავი ის არის. რაც ვაიმარელს ასე აწვალდება: კულტურა თუ ბარბაროსობა! აქ მოცემულია უკვე ის თვალსაზრისი, რომლითაც ჩვენ მომავალ დღესასწაულს უნდა შეხედეთ.

კმარა, მე სიჩუმის წინააღმდეგი ვარ. მართალია, ბევრ სისულელეს გავიგონებთ, ბევრ ცარიელ ფრაზებს მოვიხმენთ და უხეშ, ტენდენციურ სტილიზაციას;—პრეტენზიებსაც დიდი ადგილი ექნება, ზევიდან ქვევით ლაპარაკს და მანჭვა-გრეხას. და მიუხედავთ ამისა, ხელთ რომ ძალა-უფლება მქონდეს, არც ერთ გერმანელს არ დაუვლიდი, გოეთზე რამდენიმე კვირა ელაპარაკა.

ვილჰელმ შეევერი. არ გვაქვს ჩვენ ბედი გოეთსთან ერთად. როდესაც 1849 წლის აგვისტოში მის დაბადების ასი წლის თავზე მზათ ვიყავით დღესასწაულის დარსეულად გადახდისათვის, პავლეს ეკლესიის სიზმარი უკვე ნაამბობი იყო,—გათავებული (ნაგულისხმევია 1848 წლის რევოლუციის დამარცხება). გერმანიას მაშინ სხვა საზრუნავი ჰქონდა. დღეს 1932 წელს, მის გარდაცვალებიდან 100 წლის თავზე მოსალოდნელია კიდევ ერთი ზღაპარი გათავდეს.... სწორედ ამიტომ არ უნდა გაგჩუმდეთ 22 მარტს, 1932 წელს! ახირებულია,—როგორ?! — ერთხელ და სამუდამოდ მოვსპოთ გერმანული აზრი?!..

პრედ. ვიზარტი. გოეთე დედა-მიწაა და თესლი, —მზე და წვიმა. ყოველი ჩვენგანი ამ მიწის-მუშაა და არა ლიტერატურის ისტორიის მღვდელთ-მსახური. გოეთე მთელი თავისი არსებით ჩაწნულია თანამედროებაში. ვაიმარელი—ეს უდიდესი ლირიკოსი ლი-ტაი-ვის შემდეგ-მასთან ხომ უდიდესი მასწავლებელია და აღმზრდელი გერმანელი ხალხის. ისიც ხომ ექვს გარეშეა, რომ გოეთემ. მეტად ვიდრე სხვა რომელიმემ, იმუშავა ერთა შორის ზავისა და კეთილ განწყობილების დამყარებისათვის.

გოეთს დღესასწაული უნდა გადაიქცეს ზავის, ერთა შორის გულითად დამოკიდებულების დღესასწაულად.

მისი ვერმანული ჰუმანიზმი ნიადაგს უზნადებს ჰუმანურ ვერმანიას, რომელიც ევროპის გულია და ხიდი.... და გერმანელი ხალხი თავისი დიდ უმრავლესობით სწორედ უკანასკნელების აზრს იზიარებს და ემზადება დიდ დღესასწაულის ღირსეულად გადასახდელად. რადგან მან იცის, რადგან ის გრძობს, რომ გოეთს დღესასწაული ეს გერმანულ

კულტურის დღესასწაული. მისი წელიწადი ამ კულტურისათვის ბრძოლის ქება-დიდება, მისი ზნეობრივი შინაარსის დადასტურება.

1932 წელი საბედისწერა გერმანიისათვის:—ის ან გაიმარჯვებს, როგორც ვაჟივეს სამშობლო, ან უფსკრულში გადაიჩენება,—კიტლერის ფენის ამყოლი.

გამარჯვება გონებას, ჰუმანიზმს უნდა დარჩეს!
მ.—ანი.

ქართული წარმოდგენა პარიზში

ღალატი.—ა, სუმბათაშვილის დრამა 5 მქმქმ.

7 თებერვალს ქართულ სცენის მოყვარულთა წრემ, რომელიც რამდენიმე თვეა გაჩნდა ემიგრაციაში, გამართა ტრისტან ბერნარის თეატრში ქართული წარმოდგენა. წარმოდგენილ იქნა ალ. სუმბათაშვილის ცნობილი დრამა «ღალატი».

წარმოდგენის დაწყებამდე მოყვარულთა წრის სახელით მისმა დამაარსებულმა და რეჟისორმა მონბოლიმა, ქართულ პიესების უქონლობის გამო იძულებული გავხდით ის წარმოდგენა, რაც ხელთ გვქონდა, და ეს იყო მიზეზი, რომ ასეთს ძნელად დასადგმელ პიესას მოგვიღებთ ხელიო.

ბოდიში ზედმეტი იყო: თვით პიესის არჩევანიც და მისი ინტერპრეტაციაც იმდენად კარგი გამოდგა, რომ დამსწრე საზოგადოება დიდად ნასიამოვნები და კმაყოფილი დარჩა წარმოდგენით.

1903 წ. დამლევს ოუსულ ჟურნალში დასტამბული და 1904-ს განაფხულზე უკვე თბილისის ქართულ სცენაზე წარმოდგენილი ალ. სუმბათაშვილის დრამა ნამდვილი წინასწარმეტყველური ნაწარმოები გამოდგა.

სამშობლოს მიწაწყალს მოშორებულს, უცხო თეატრის დამამშვენებელს ქართველს, სიცოცხლის მიწურულში თითქმის, თვალწინ წარმოუდგა მისი ტანჯული ქვეყანა და. სიხანს, ისეთის გრძობითი გამსჯვალა მისი სული და გონება, რომ ერთ რომელიცმე ისტორიულ მომენტის დრამად დამუშავება არ იკმარა და საქართველოს მეტნაწილად ტრალიკულ ისტორიის სინტეზი წარმოგვიდგინა მშვენიერ დრამის სახით.

«ღალატი»ს შინაარსს თქვენ ვერ მოათავსებთ ქართულ ისტორიის რომელსაღე ხანაში; ვერ იტყვიით, რომელ დედოფალს ერქვა ზეინაბი ან ვინ იყო ის ოთარი, რომლისათვისაც სულს წაეძლია და დროებით ბეგობაში ეს სული გაეყიდა.

დრამაში ნახსენებია მოსკოვი, რომლისგანაც შევლას ელიან დატანჯულ ერის მესვეურნი. მაგრამ მოსკოვის დახმარების ძებნა ხომ ჯერ კიდევ მე-16 საუკუნეში იწყება. სპარსელებისაგან დარბევა? მას ხომ მე-18 საუკ. დამლევამდე ჰქონდა ადგილი.

ამიტომ შეგიძლიათ, სულ ცოტა, ამ სამის საუკუნის მანძილზე მოათავსოთ, სადაც გნებავთ, «ღალატი»ს სიუჟეტი.

გვახსოვს, ერთმა რუსულმა დიდმა ჟურნალმა სხვა ვერა დაინახა ამ ნაწარმოებში გარდა იმისა,

რომ უბრალო საგმირო პიესა არისო. საქართველოს ისტორიის უცოდინარი ან კი როგორ დაინახავდა ამ ნაწარმოებში ამ ისტორიის სინტეზს.

მეფის შვილი, რომელიც სამშობლოს, თავის ერს, შვილურ გრძობას და ხალხის შვილი პირად გრძობის დაკმაყოფილებას უმორჩილებს ერის სამსახურის მაღალ მოვალეობას,—ასეთი დაპირდაპირება ჰქონდა აზრად ავტორს?

არა გგვონია, ეს ანტითეზა დრამაში შემთხვევითია და არა განზრახი.

თქმა არ უნდა, ხალხის ცხოვრების სიღრმიდგან გამოდიან ის ცხოველყოფილი ახალ-ახალი ძალები, რომელნიც კვებავენ ეროვნულ სულს, მაგრამ წარჩინებულთა შორისაც ხშირი ჰყოფილა მაღალისსულის მაგალითები.

არა, დრამას უფრო დრმა აზრი უდევს საფუძვლად. ეს არის, როგორც მოგახსენებ, ქართულ ისტორიის სინთეზი.—ქართველ ერის მუდმივი უდრეკელობა, მისის სულის უქცვლავება.

თუ ამ სულის გადაშლა, მის მაღალ თვისებათა მოგონება ზოგჯერ თავის ქვეყანაშიაც არის საჭირო, მით უფრო საჭიროა ეს იმათთვის. ვინც მოწვეტილია თავის მშობელ ქვეყანას. ამიტომ ამ პიესის დადგმა დროული იყო და მიზანშეწონილიც.

რაც შეეხება მის სიძნელეს, უნდა ითქვას, რომ ჩვენმა სცენის მოყვარულებმა დიდი გულმოდგინება და უნარი გამოიჩინეს; მათ სძლიეს ყოველივე სიძნელე და წარმოდგენა კარგად და მწყობრად ჩაატარეს.

ჩვენ ვერ შეუდგებით მონაწილე პირთ ცალ-ცალკე დაფასებას; ვიტყვიით მხოლოდ, რომ ყოველი მათგანი შეგნებულად და მოდგინებით ასრულებდა თავის როლს და ყველამ ერთად შექმნეს ისეთი ანსამბლი, რომელიც ძველ ქართულ თეატრს მოგვაგონებდა.

ქ-ნნი ე. მამულაშვილი, და ბ. ერისთავი ჩინებული ზეინაბი, გაინე, რუქაია და ისახარი იყვნენ, და ბ-ნი ჯავახიშვილი, ხიხანაშვილი, ნებიერიძე, სულხანიშვილი, ზალდასტანიშვილი და თუხარელი ასეთივე სულიმანი, ოთარბეგი, ანანია, ბესო, დათო და ერეკლე.

შეიძლება, რასაკვირველია, თითო-ოროლა შენიშვნა ყველა მათგანის შესახებ ითქვას; მაგალითად, ერეკლეს ელვისებურ გატაცება ცოტა სხვანაირად შეიძლება გამოიხატოს და ოთარბეგს უფრო დინჯი კილო და მიხვრა-მოხვრა ჰქონოდა და უფრო ღირსეულად სჭეროდა თავი, ისე როგორც ძველ დარბაისელ ქართველს ეკადრება. არც იმდენი მიწაზე ფორთხვა იყო საჭირო, საზოგადოდ.

მაგრამ გვახსოვს, რომ კრიტიკა ადვილილი საქმეა, და თავს ვანებებთ და ვუსურვებთ ჩვენს სცენის მოყვარულთ კარგათ დაწყებული საქმის ისევე კარგად განგრძობას.

დასასრულ არ შეგვიძლია არ გამოვსტქვათ ჩვენი კმაყოფილება დეკორაციების შესახებაც. მართალია, მეტენი პატარა მოგვიჩვენა იმ სიახლოვეზე, მაგრამ ეს უფრო სცენის სიგიწროვის ბრალი უნდა ჰყოფილიყოს, ვიდრე მხატვრისა.

ეკონომიკური მოძრაობა მაკამალიანთა შორის

ორ დიდ მუსულმანურ ქვეყნის მეზობლობამ წარუხტველი დადი დაამჩნია ჩვენის ქვეყნის ისტორიას. თუ ჩვენის ერის უდიდესმა ნაწილმა ქრისტიანობა შეინარჩუნა და საქართველოს დასავლეთ-სამხრეთი ნაწილი გამაჰმადიანდა მხოლოდ. ეს არ მოწმობს კიდე, რომ საქართველოს ისტორიას არ განეცადოს ისეთი უბედურობანი, რომელთაც უკუ-ღმა დაატრიალეს მისი ბედი და დღევანდელ ყოფამდე მიიყვანეს ეს სულ სხვა ბუნებისა და თვისებათა პატრონი ერი, ვიდრე მისი მეზობლებია.

მშვიდობიანი, გულთა, ცნობის მოყვარე, ცოდნისა და განათლების ხარბი, მოტრფილვე სილამაზისა, ამ მცნების მრავალსახიანობის ახრით, ქართველი ერი თავისის სულიერის თვისებებით და თავის გონების მიდრეკილებით უფრო ევროპიულ ხალხთა ოჯახს ეკუთვნის, ვიდრე იმ ხალხების, რომელნიც გარს შემორტყმოდნენ და საუკუნეთა განმავლობაში სიცოცხლეს უმწარებდნენ და სულს უხუთავდნენ.

სპარს-თურქებისაგან რბევა და ახრება, მონღოლთა შემოსევა, ოსმალთა ბატონობა, — ასეთი იყო მისი ნორმალური ცხოვრება და უნორმალოდ უნდა ჩაითვალოს ის მოკლე ეპოქები. როდესაც სისხლისაგან დაკლილი ეს უდრეკის სულის პატრონი ერი დაჟინებით იწყებდა ხალხმე ნანგრევზე ეროვნულ ცხოვრების აღმშენებლობას.

ერი მოწამე, რადგან ქრისტეს სჯულის დაცვაში ხედავდა იმ მალალ მორალის შენახვას, რომელიც განუყოფელია მის მსოფლხედველობასთან და რომელსაც არ ეგუებოდა მოზღვავებულ მეზობელთა ბუნება და მსოფლმხედველობა.

რაც რომ ქართველ ერს გარდახდა თურქებ-მონღოლ-სპარს-ოსმალთა, ერთის სიტყვით, იმ ხალხთა და ტომთა წყალობით და მიზეზით, რომელნიც შემდეგში გააერთიანა მაჰმადის სჯულმა, მეტადრე მას შემდეგ, რაც რომ განათლებულ და ერთმორწმუნე დასავლეთ ევროპის კარი დაგვიხშო და თავის უსახლვრო წრის შუაგულში მოგვიქცია, სრულებით ბუნებრივია, აღეძრას ჩვენს ხალხს უდიდესი ინტერესი იმისა, თუ რას წარმოადგენს ეს მუსულმანური ქვეყანა დღესდღეობით, რა ასულდგმულეებს, ხდება მასში გადატეხა რამ — რამე ცვლილება მის მსოფლმხედველობაში; თუ ხდება, რა მიმართულებას იღებს, რა სურვილი და მისწრაფება ამოძრავებს, პირს საით შვრება?

ყველა ეს საკითხები, საზოგადოდ საინტერესო, განსაკუთრებით საყურადღებოა ჩვენთვის, რადგან წინანდებურად მომწყვდეული ჰყავს ამ უსახლვრო ზღვას ჩვენი ქვეყანა პატარა უმწვეო კუნძულის მსგავსად.

ამ საკითხების გამორკვევას ისახავს საგნად ამერიკელი სწავლული Lothrop Stoddard-ი თავის თხზულებაში «Le Nouveau Monde d'islam» (ახ. ისლამი). წიგნი საგნის დამაპირთენელ კვლევა-შესწავლის ნაყოფია და, როგორც ასეთი, მეტად საგული-სხმიერო იქნება, უქვევლია, ჩვენი მკითხველთათვის.

ჩვენს მოვალეობათ დავისახეთ ამიტომ გავაცნოთ ამ წიგნის შინაარსი ჩვენის ყურნალის მკითხველებს, ხოლო წიგნისთვის წამძღვარებული თვით ავტორის წინასიტყვაობა, რომელშიაც მოკლედ, მაგრამ მკაფიოდაა მოცემული ისლამის გაჩენის, განვითარების და მნიშვნელობის და ისლამისა და საქრისტიანო ევროპის შეტაკების მიზეზები და შედეგები მეოცე საუკუნის კარამდე, ჩვენ საქიროდ მივიჩნიეთ საგნებით გვეთარგმნა.

ივ. ზ—ლი.

ქველის ისლამის დაქვეითება და დაგემა.

ისლამის გავრცელება შეიძლება კაცობრიობის ისტორიის უსაკვირველესი მოვლენა იყოს. გამოსული ხალხიდგან და ქვეყნიდგან, რომელთაგან არც ერთი და არც მეორე ყურადღების ღირსი არ იყო წინად, ისლამი ერთის საუკუნის მანძილზე ქვეყნიერობის მთელს ნახევარს მოეფინა, დააკუწმწა დიდი იმპერიები, დასცა დიდის ხნიდგან დამყარებული სჯულთდებანი, თავის ყალიბში გადაადნო რასათა სული და შექმნა სრულებით ახალი ქვეყანა — ქვეყანა ისლამისა.

რაც უფრო დიდისგულმოდგინებით უკვირდება ადამიანი ამ გავრცელებას, მით უფრო გაკვირვებული რჩება. სხვა დიდმა რელიგიებმა ნელა და მძიმე ბრძოლით განვლეს თავიანთი გზა და ბოლოს ახალ რჯულად მოქცეულ მძლავრ ხელმწიფეთა რანმარების წყალობით გაიმარჯვეს. ქრისტეს რჯულს ჰყავდა თავისი კონსტანტინე, ბუდიზმს მისი ასოკა და ზორასტრის მოძღვრებას მისი კიროსი; ყოველმა მათგანმა მის მიერ არჩეულ ღვთის მსახურებას მიაშველა მთელი თავისი ასწლობით შექმნილი ძლიერება.

ასეთი არ იყო ისლამის ამბავი. იგი დაიბადა უდაბნო ქვეყანაში, სადაც სახლობდა მომთაბარე და გაფანტული ტომი, რომელსაც ჯერ კიდე არ გამოეჩინა თავი კაცობრიობის მატრიანეში, და თავისი დიდებული სელა დაიწყო, შეიძლება ითქვას, უმცირეს ზნეობრივ დანმარებას მოკლებულმა და უმძიმეს მატერიალურ პირობებში. მიუხედავად ამისა ისლამმა თითქმის სასწაულებრივ სიადვილით გაიმარჯვა, და ორმა თუ სამმა თაობამ იხილა ცეცხლის ახალი მთვარე გამარჯვებით მიტანილი პირენედგან ჰიმალაიამდე და შიდა აზიის უდაბნოებიდგან აფრიკის უდაბნოთა შუაგულამდე.

ამ განსაოცარ გამარჯვების ფაქტორთა შორის უმთავრესი იყო არაბთა ტომის ხასიათი. მაჰმადის მოძღვრება, ბუნება და აღმოსავლეთ ქვეყნის იმპერიონდელი საზოგადო მდგომარეობა. თუმცა არაბებს ჯერ თავი არ გამოეჩინათ, მაგრამ ეს იყო ხალხი დაჯილდოვებული შესანიშნავ თვისებებით, რომელნიც იმ დროს ცხადად მოითხოვდნენ საქმედ ქცევას. რამოდენიმე თაობით წინ მაჰმადის მოსვლამდე არაბეთმა სიცოცხლის უდიდესი ძალა გამოიჩინა. არაბებმა უარყვეს თავიანთ მამაპაპური კერპთ თაყვანისცემა და ალღო აიღეს და პირი ჰქმნეს უფრო მალალ შემეცნებისადმი. გონებათა ამ დუღილში



ისლამის ხმა საყვირის მოწოდებასივით გაისმა. მაკ-
მადი, არაბი არაბთა შორის, თავის ტომის სულის
თვით განსაზიერება იყო. მარტივის, მკაცრის, საღ-
ვდელმთავრო სირთულესა და დამუშავებულ სწავ-
ლულ სამკაულს მთავრებულ ერთ-ღვთაების მქა-
დაგებელი, ის სწავდებოდა იმ რელიგიურ გულმოდ-
გინებობის სათავეს, რომელიც მუდამ ღვთის სემი-
ტიურ გულში.

არაბებმა დაივიწყეს მოცილოება და გვარეუ-
ლობათა შორის გამუდმებული ბრძოლა, რომელმაც
შინაურ დაგებში დალიეს მათი ენერგია, და თავიანთ
ახალის რჯულის ცეცხლით ერთ ბრწყინვალე ერთე-
ულად გადადუღებულები გამოვიდნენ თავიანთ უდა-
ბნოებიდგან, რათა ქვეყნიერება დემორჩილებინათ
ალლაჰსათვის. ჭეშმარიტ ერთ ღვთაებისათვის.

სიროკოს მსგავსად, არაბეთს ამოვიინდინოს ის-
ლამს მხოლოდ სულიერი სიკარიელე და დახვდა
გზაში. ბიზანტიის და სპარსეთის იმპერიები, რომე-
ლნიც გამვლელ მეთვალყურეს თუ ეჩვენებოდა მხო-
ლოდ დიდ ძლიერებად. გამხარ, გამოფიტულ ცხო-
ველ ძალას მოკლებულ ჩენჩოს და წარმოადგენდნენ.
მათი რჯული დაცინვა და თვალთმაქცობა იყო მხო-
ლოდღენ. სპარსეთის ძველი ღვთისმსახურება, ხო-
როასტრისა, მოგვობად გადიქცა. მედიდურ სამღვ-
დელუბად, რომლის დევნილობითი ოირანია ფარულ
ზიხლსა და სიძულვილს იწვევდა. რაც შეეხება წარ-
მართობის წვრილმანებით შემკულს და გადაგვარე-
ბის გზაზე დამდგარ ბერძნულ გონებას. უგზურ თეო-
ლოგიურ აზროვნებით შერყვინოს, იგა იესო ქრის-
ტეს დარიგებათა საზიხლარ კარიკატურას წარმოა-
დგენდა. მოგვობასა და ქრისტიანობაში, ორთავეში
დიდი შინაური ერესული მიმდინარეობანი განდა,
და აქედგან იბადებოდა ბარბაროსული დევნა და უმ-
ძაფრისი სიძულვილი. ამას გარდა ბიზანტიაცა და
სპარსეთიც, ერთიც და მეორეც მხეცური დესპოტი-
ები, აცამტვერებდნენ თავიანთ ქვეშევრდომთ და სა-
თავეში უზომოდნენ მათ სამშობლოს სიყვარულს და
სახელმწიფოს ერთგულებას. დაბოლოს, ამ იმპერიე-
ბმა საშინელი ომი გადაიტანეს, რომლიდგანაც სისხლ
გართმეულები და დატანჯულები გამოვიდნენ.

ასეთი იყო ქვეყნიერება, რომელიც უნდა დახვე-
დროდა ისლამის ტალას. შედგენ ცხადი იყო: რა
ერთხელ გაარღვია უდაბნოს ფანატისკოს შვილთ
ცეცხლ მოკიდებულმა შეტევამ აღმოსავლეთ რომის
ლევონთა და სპარსეთის ჯავსნოსან მხედართა წესი-
ერი ძალა, ეს იმას ნიშნავდა, რომ ყველაფერს ბოლო
დაუდკა, პატრიოტულ წინააღმდეგობას ადგილი არა
ჰქონია. ფეხით გათელილმა ხალხებმა პასიურად
ალიარეს ახალი ბატონები, ხოლო მრავალრიცხოვან-
ნი ერეტიკოსები სისხარულით მიეგებნენ იმ თანამო-
რჯულეთა დამხობას, რომელნიც სდევნიდნენ მათ
და რომელნიც ბევრად მეტად სძულდათ. ვიდრე უც-
ხოელი დამპყრობელნი. სულ მოკლე ხანში დამარც-
ხებულ ხალხთა უმრავლესობამ მიიღო ახალი რჯუ-
ლი, რომელიც მათ საკუთარ გადაგვარებულ ღვთის-
მსახურებასთან შედარებით ესოდნენ მიმზიდველი იყო
თვისის სიმარტივით. თავის მხრით არაბებმა უნარი
გამოიჩინეს თავიანთ ბატონობის განმტკიცებაში.

ისინი არ იყვნენ სისხლის მწყურვალე და მხოლოდ
ნადავლის შოვნასა და ნგრევას დახარბებული ვე-
ლურები. პირიქით, ეს იყო შთამომავლობითი ლი-
რებულებით დაჯილდოვებული მოდგმა, სწავლის
მოყვარული და ძველ ცივილიზაციათა მეგვიდარეა-
ბის პატივისმცემელი. დაქორწინებისა და საერთო
რჯულის საშუალებით გამარჯვებულები და დამარ-
ცხებულნი ჩქარა გაერთიანდნენ და ამ გაერთიანებ-
დგან წარმოიშვა ახალი ცივილიზაცია—ცივილიზა-
ცია სარკინოხული; რომელშიაც ძველი ბერძნული,
რომაული და სპარსული კულტურები განაცხოველა
არაბულმა ძალამ და ერთმანეთში შეადულა არაბუ-
ლმა გენიამ და ისლამის სულმა. თავის არსებობის
პირველ სამ საუკუნის განმარჯობაში (650-1000 წ.წ.
დაახლოვებით) ისლამის სამეფო იყო ქვეყნიერობის
უგანათლებულესი და პროგრესის გზაზე ყველაზე
დაწინაურებული ნაწილი, მდიდარი მშვენიერის დი-
დებულის ქალაქებით. ნარნარის მეჩეთებით და მშვი-
დობიან უნივერსიტეტებით. სადაც პატივისცემით
დაცული იყო ძველის ქვეყნის სიბრძნე. მუსულმა-
ნური აღმოსავლეთი გასაოცარ კონტრასტს წარმოა-
დგენდა საქრისტიანო დასავლეთთან შედარებით,
რომელიც ბნელით იყო მოცული იმ დროს.

მაგრამ მე-X საუკუნეში სარკინოხთა ცივილიზა-
ციას, ცხადად ეტყუება დაქვეითების უდავო ნიშნები.
ეს დაქვეითება პირველში პროგრესიული იყო. მეცა-
მეტე საუკ. საშინელ უბედურებამდე ამ ცივილიზა-
ციამ გამოიჩინა ძალა და შეინარჩუნა თავისი უპირა-
ტესობა საქრისტიანო დასავლეთთან. ყოველ შემთ-
ხვევაში მე-1000 წელს მისი ოქროს ხანა განვლილი
იყო. ამას თავისი მიხეხები ჰქონდა. ჯერ თავი იჩინა
ხელახლა არაბულ მოდგმის ძველმა პირმა, ძვალ-
რბილში გამაჯდარმა პატრიოტის სულმა. მეტოქე
გვარეულობანი ერთმანეთს ედავებოდნენ ისლამის
ხელმძღვანელობისთვის და ეს დავა გადაიქცა სამო-
ქალაქო სისხლის მღვრელ ომებად. ამ შინაგან ბრძო-
ლებში განვლდა პირველ დღეთა სიმხურვალე და
ისლამის პირველ მებარბელ აბუ ბეკრისა და ომა-
რის მსგავსმა წმინდა კაცებმა ადგილი დაუთმეს და-
ბალ ვანზრახვათა პატრონ წინამძღოლებს, რომელ-
ნიც ხალიფობაში დესპოტიზმისა და პირად განდი-
დების საშუალებას ხედავდნენ. მთავრობის ბინა გა-
დატანილ იქნა დამასკოში, სირიაში და, უფრო გვიან,
ბაღდადს, მესოპოტამიაში. ამ გადატანათა აზრი
ცხადია. მექაში დესპოტიზმი შეუძლებელი იყო.
უდაბნოს არაბები, ფიცხნი და დაბადებით თავისუ-
ფალნი, ბატონს არ ითმენდნენ და მათი თანდაყოლი-
ლი დემოკრატიული განწყობილება დაკანონებული
იყო წინასწარმეტყველის მიერ, რომელმაც ნათლად
განაცხადა, რომ ყველა მორწმუნე ძმები არიანო.

მექის სახალიფო იყო დემოკრატია, რომელსაც
სასულიერო წოდება მართავდა. აბუ ბეკრი და ომარი
ხალხის მიერ იყვნენ არჩეული და თავიანთი თავი
პასუხისმგებლად მიაჩნდათ საზოგადო აზრის წინაშე
და მორჩილად იმ სამღვთო სჯულისა, რომელიც
მაკმადისაგან იყო გამოცხადებული ყურანში.

(გაგრძელება იქნება)



უცხოეთის მიმოხილვა.

სიტყვა სხვაა...

უენევაში სიტყვების კორიანტელია, შანაიში დიდი შეტევა დაიწყო! ეს კონტრასტი, ეს წინამდებელობა სიტყვასა და საქმეს შორის ნამდვილი ტრადიციად აღდგინდა უმწიფო საერთაშორისო მდგომარეობაში. ერთა ლიგის საბჭო სექტემბრიდან სულ იაპონია-ჩინეთის კონფლიქტს დასტრიალებს, რეზოლიუციები, მიმართვები, საანკეტო კომისიები; შედეგი არაფერია, კიდევ უარესი, საბჭომ დაჰკარგა უკანასკნელი პრესტიჟი, ბოლოტნი დასცინიან კიდევ; არ ერიდებიან. ბოლოს ჩინეთიც მიუხვდა ამას, მოითხოვა თვით ლიგის ყრილობის მოწვევა, საბჭომაც მოიწვია 3 მარტისთვის.

პუანკარე ამბობს თავის მემუარებში, ინგლისს რომ დროზე ეთქვა გარკვევით, 1914 წ., ომში ჩავერევიო, გერმანია ვერ გამოაცხადებდა ომსაო. იგივე ითქმის დღეს ამერიკის შესახებ: მას რომ ემცნო გადაჭრით იაპონიისათვის, იარაღით ჩავერევიო, უკანასკნელი არ გასწევდა ასეთ რისკს. მეორე სახელმწიფო, რომელსაც შეეძლო იგივე როლი ეთამაშა, არის რუსეთი, მაგრამ იქ სხედან ბოლშევიკები მე-15 წელია და ისე გამოაცალეს მას არაქათი, რომ კიდევ კარგი, თუ მისი ტერიტორია უვნებლად გადაიარა.

დასავლეთში იყო ჩურჩული, ვითომ ამერიკა და რუსეთი ერთად უპირებენ იაპონას დაკვრას! რათქმა უნდა, ეს მოსკოვის დამქაშების მოჭორილი ამბავი იყო, სუმრობა ჩომ არაა ამერიკასთან «ალიანსი», ამას უნდა აეწია მოსკოვის პრესტიჟი. იმავე დროს იაპონია იკავებს ხარბინს, რუსეთის ამ გაშენებულ ქალაქს და რას ეხედათ? ისე ჩაიგუბეს პიროში წყალი კრემლის ჯიფლებმა, რომ ჩამი-ჩემიც არ ისმის მათგან, თითქო მათ არ ეხებოდეს. ისინი იმეიან, რაც დასთესეს; დღიდან გადატრიალებსა ბოლშევიკები წყალს ამღვრევენ ჩინეთში. ისედაც ცეცხლის ალში განვეულ ხალხს ნავთს ასხამდენ, ავრცელდენ ანარქიას, ცარცვა-გლეჯას, ქლექტას და რა გასაკვირია, თუ ჩაერია იაპონია, რომლის მოქალაქეთ და ქონებას საშიშროება მოელოდა.

კიდევ მეტი. თუ დიდი სახელმწიფოები არ იჩენენ მაინც და მაინც დიდ ენერჯიას იაპონიის შესაჩერებლათ, ამის მიზეზი, სხვათა შორის, ისიც არის, რომ ჩინეთის გვერდით ბოლშევიკური რუსეთია, რომლის მახინციებს ჩინეთში მხოლოდ იაპონია მოულებს ბოლოსო. ზოგიერთი მათ შორის იმასაც კი ფიქრობს, ვინ იცის იქნება იმავე იპონიამ დაამხოს ბოლშევიზმიო. საბჭოთა კავშირის ხალხები ხომ ამაზე ლოცულობენ! თეთრი რუსებიც ჩინეთში თუ სხვაგან ამას იხვევენ ხელზე და ბუფერ-სახელმწიფოს დაარსებას ლამობენ. არ შეიძლება ითქვას, იაპონია ამას ცუდი თვალით უყურებდეს, ერთი საბაბი მოსკოვისაგან საკმარისია, რომ სიტყვა საქმედ იქცეს.

ჯერ-ჯერობით კი მანჯურია გამოცხადდა ბუფერად, მუკდენში ახალი მთავრობა შესდგა, ძველი

იმპერატორი პრეზიდენტად აირჩიეს, რატომ? შეიძლება, როცა ჩინეთს დაამარცხებენ, ისევ მანჯურს დინასტია გამეფონ პეკინშიო! ყოველ შემთხვევაში, იაპონიამ მაგრად ჩასქიდა ხელი მანჯურიას, მისი ჯარების ევაკუაციასზე ლაპარაკიც არაა, მაშასადამე, მოსკოვის ვერაფერეებს ხომ სახლგარი დაედება, ეს უკვე მიღწეული ფაქტია. აქედან რუსეთის მფლობელობის ლიკვიდაცია რკინის გზანდ, შეიძლება, ზღვის პირზედაც დღის წეს-რიგშია.

ამ დროებით შანაისკენაა მსოფლიო ყურადღება; იქ წყდება ომისა და ზავის კითხვა არა მარტო ჩინეთსა და იაპონიას შორის, ვინ იცის იქნებ სხვებიც იქნენ ჩათრეული. სტალინმა სიტყვა, ჩვენ არ გვინდა ომი, მაგრამ; შეიძლება იძულებული გავხდეთო. იგივე ითქმის ამერიკასზე და რამდენათმე ინგლსზე. ომი არ გვინდაო—ამბობენ, და ეს დასაჯერებელია, მაგრამ, თუ მათ არსებით ინტერესებს შეიხვენ, იძულებული გახდებიან უპასუხონ. აი რა პერსპექტივების წინა ვდგევართ. შესძლებენ დიდი სახელმწიფოები ააშორონ ეს უბედურება კაცობრიობას?

განიარაღება თუ შეიარაღება?

პირველი არა სიხანს, მეორე აშკარაა. განიარაღების კონფერენცია ბედის გადაწყვეტ ფაზაშია. სამი კვირა ილაპარაკეს, დაიღალენ ორატორნიც და მსმენელნიც, იმდენჯერ წარმოითქვა სიტყვა «მშვიდობიანობა», რომ მიადონ ერთმანეთს, დედა-მამის ერთი კიდიდან მეორე კიდემდე მიადწევს. ხოლო განიარაღებაზე თითქო არავინ ფიქრობს.

ზოგადათ რომ ვთქვათ, წარმოსდგა სამი გეგმა და ყველა 56 სახელმწიფო ან ერთს ემხრობა, ან მეორეს. ჩვენ შეგვიძლია დავასახელოთ ესენი: ანგლო-საქსონური, იტალია-გერმანული და ფრანგული. რას მოითხოვს პირველი გეგმა, ე. ი. ანგლო საქსონური? ინგლისის სავარეო მინისტრმა სერ საიმონმა გადაშალა ის და ამერიკის პირველმა დელეგატმა დაასაბუთა. უნდა შემცირდეს წმელეთისა და ჰავარის შეიარაღება, ჩვენ მზათა ვართ მაქსიმუმზე წავიდეთ ამ მხრივო, ხოლო რაც შეეხება ზღვის შეიარაღებას, ლონდონში უკვე შევთანხმდით სამნი (ინგლისი, ამერიკა, იაპონია), ესლა საფრანგეთი და იტალია უნდა შემოგვიერთდენო. გამოდის, გეგმა გულისხმობს ხმელთა სახელმწიფოების ძალაზე შესუსტებას და ზღვათა სახელმწიფოების გაძლიერებას. იტალია-გერმანიის გეგმა ბაზად იღებს თანასწორობას, მზათა ვართ გავანახვეროთ ჩვენი ძალები, მხოლოდ არავის უნდა ჰქონდეს მეტი ძალაო. ორთავეს, რა თქმა უნდა ნიშანში საფრანგეთი ყავთ ამოღებული. რას ამბობს უკანასკნელის გეგმა? მეც მაქსიმუმზე წამოვალ, შევამცირებ, მხოლოდ ჯერ უზრუნველყვით მშვიდობინობა; ამიტომ მივეცეთ ერთა ლიგას მატერიალური ძალა, გადავცეთ მას, რასაც ჩვენ დავიკლებთ, ე. ი. ყველაზე უძლიერესი შემტევი იარაღები და, თუ ვინმე გაბედა ომი, ლიჯა დასჯისო.

ამ სამი გეგმის ირგვლივ ირანშებიან დანარჩენი სახელმწიფოები. ანგლო-საქსონურს უქერენ მხარს დიდი ომის დროს ნეიტრალები; იტალია-გერმანულს



საბუკები, ოსმალეთი, უნგრეთი, ბოლშევიკი; საფრანგეთისა პოლონეთი, რუმინია, ჩეხოსლოვაკია, იუგოსლავია. მაგრამ არის ერთი რამ, რომელშიაც თითქმის ყველა თანხმდებიან—ეს შემტვევი იარაღების (სამხედრო გემების ათი ათას ტონაზე მეტი, დიდი ჰაერო და ჰიდროპლანები, ტანკები, ქვეშემაკლეები) თუ არა მთლიან მოსპობა. ძალზე შემტვევი: მაგრამ ეს თანხმობა შედარებითაა, მაგ., ამერიკას არ სურს გემების ტონაჟის დაკლება, საფრანგეთს და იაპონიას—ქვეშემაკლეთა მოსპობა და სხ. გამონაკლის წარაოდგენს ვახებით და ბაცილებით მშვიდობიან ხალხის ვნება. ამგვარ ომს ყველა უარყოფს. თუმცა აქაც მოიკოტულებენ, რადგან პაავის აღკრძალვამ ხელი არ შეუშალა გერმანიას და სხვებს მიემართნათ ასეთი გამანადგურებელი ომისთვის.

მაგრამ ნამდვილი ბრძოლა გაიმართება ისევ თანასწორობის ირგლივ. გარმანია ამ მხრივ დიდ თანხმობას და გამბედაობას იჩენს. ვერსალის ზავით თქვენ ვალდებულად სცანით თქვენი თავი—უფლებების გამარჯვებულ სახელმწიფოებს—შეგემცირებით შეიარაღება. საწოში იმავე ვერსალის ხელშეკრულებას. ე. ი. უნდა განიარაღდეთ იმდენად, რამდენათ მე განმარაღდეთ! გამოდის, გამარჯვებულნიც და დამარცხებულნიც უნდა გათანასწორდენ, აი რა მოგვცემს ნამდვილ უზრუნველყოფას. და გერმანია იმუქრება კიდევ: თუ ასე არ გიქნიათ, მე ვიბრუნებ თავისუფლებას. შევიარაღდები თქვენსავით. ამით, როგორც ხედავთ, ერთი მხმით სურს ვერსალის ხელშეკრულების გაუქმება, აი რას ვეძახით გერმანიის გამბედაობას.

რას შვრება ლიტვინოვი? მისი სიტყვა ნამდვილი «ჯენტლმენური» იყო: ჩვენ მოვითხოვთ სრულს განიარაღებას. არ გინდათ? ჩვენ მივემხრობით შემტვერებასაც, ხედავთ როგორი ერთგული ვართ მშვიდობიანობის. ერთა თვითგამორკვევის (ადგილიდან მიძახეს: საქართველო!), თავდაუსხმელობის პაქტებსა ვკრავთ. ლიტვინოვის ტაქტიკა ურიგო არაა, ვისმეს წყენას ერიდება, თავს იკატუნებს და იმავე დროს სულგანაბელი ელის, როდის აფეთქდება.

დიახ, ბრძოლა დიდი იქნება, რით გათავდება არავინ იცის, ვიცით კი ერთი: თვითუღი იძულებული იქნება გამოაშკარავოს თავის გულის ნადები და ესეც მიღწევაა.

ს ა ქ ა რ თ ვ ე ლ ო ს ა მ ბ ე ბ ი

(ქუნიანალ-გაზეთებიდან)

განეთ «კომუნისტის» I თებერვლის ნომერში დაბეჭდილია: ყვარლის რაიონის სკოლებში მეცადინეობა შეჩერებულია უშეშობისა გამო. მასწავლებლებს არ მიუღიათ გასული წლის ნომბრის ჯამაგირიკი.

— ტყვარჩელმშენის მუშებისათვის გათვალისწინებული პროდუქტების ნაწილი გაუზგავნეს ბაქოს და სოხუმს, მაშინ როდესაც ამ უკანასკნელებს თავიანთი მტკიცე ნორმა აქვთ. ტყვარჩელმშენის მუშე-

ბისათვის გამოგზავნილ ფეხსაცმელებიდან 70 პროც. ბავშვის ფეხსაცმელები აღმოჩნდა. მესამე კვარტალის პროდუქტები მეოთხეში მიიღეს.

— ტყვარჩელმშენის ტექნიკური ხელმძღვანელი ინი. ფინენკო ადგილობრივ მცხოვრებლებს სამუშაოზე არ იღებს. «რამდენიც არ უნდა გამომიგზავნოთ აფხაზი, არც ერთს არ დაეუშვებ სამუშაოზე», ასე ამბობს და უყურადღებოთ სტოვებს უმაღლეს ორგანოების დადგენილებას.

— ტფილისში ფასების დიდი მოუწესრიგებლობა, ერთი და იგივე საქონელი სხვადასხვა კოოპერატივებში სხვადასხვა ფასად იყიდება. მაგალ. კილო მაკარონი ზოგან 50 კაპ., ზოგან მეტი, ზოგან ნაკლები; კილო ბრინჯის ფასი ქანაობს 70-80 კაპ. შუა, კილო კარაქი იყიდება 6 მან. 12 კაპ. და 5 მან. ნახევრადაც; პალტო ერთგან იყიდება 41 მან., სხვაგან 26 მან. და ასე სხვაც.

— კოლმეურნეობის ახალგაზდობის სკოლის და საფ. საქ. შვიდწლეულების გაგმით ქართულ ენას აქვს დათმობილი წელიწადში 135 საათი, ხოლო რუსულს 180.

— საქარ. განათლების მუშაკთა ყრილობაზე მასწავლებლებმა განაცხადეს, რომ მათი ქონებრივი მდგომარეობა უკიდურესია, რომ მრავალ რაიონში მასწავლებლებს არ მიუღიათ 4-5 თვის ჯამაგირი, რომ პროდუქტებს ან სრულებით არ იღებენ, ან იღებენ სულ მცირედს.

— ამ. კავკ. მიწსახკომის კოლეგიამ გადაწყვიტა მევენახეობის საკავშირო ინსტიტუტი ტფილისიდან გადატანილ იქნეს თელავში.

— გ. მურადიანმა სომხურად გადათარგმნა «ვეფხისტყაოსანი». სომხეთის სახგამი თარგმანს გამოსცემს გაზაფხულზე.

— საქართველოში იანვრის დამლევს და თებერვლის პირველ რიცხვებში მეტად დიდი თოვლი მოვიდა, თოვლის სიმაღლე ზოგან ორ მეტრამდის აღწევდა.

— ტფილისში თებერვლის 7 გარდაიცვალა ანასტასია თუმანიშვილი-წერეთლისა.

«დამოუკიდებელი საქართველო»ს რედაქცია გულისითად სამძიმარს უცხადებს თავის თანამშრომელს დ. შარაშიძეს მისი ძვირფასი მამის, დამსახურებული მასწავლებლის გიგო შარაშიძის გარდაცვალების გამო.

გ ი გ ო ზ ა რ ა შ ი ძ ე

თებერვლის 9-ს, ს. ბახვი გადაცვილია ფრიად დამსახურებული პედაგოგი და საზოგადო მოღვაწე გიგო შარაშიძე. განსვენებული მის მეუღლესთან ერთად, რომელიც პედაგოგია აგრეთვე, ათეულ წლების განმავლობაში განაგებდა ბახვის ნორმალურ ორ კლასიან სასწავლებელს, რომელიც მთელს გურიაში ითვლებოდა საუკეთესო პირველდაწყებით სასწავლებლათ.

ამავე დროს გიგო შარაშიძე ენერგიულ მონაწილეობას იღებდა გურიის კულტურულ და პოლიტი-

კურ ცხოვრებაში. მისი ხელმძღვანელობით მოეწყო მრავალი საკვირაო სკოლა, სამკითხველო, კოოპერატივი და მრავალი სხვა.

პოლიტიკური მოღვაწეობა განსვენებულმა დაიწყო ახალგაზღვრებიდანვე. პირველ ხანებში იგი «ნა-როდნიკი» იყო, შემდეგ მიემხრო საქართველოში ახლად ფეხადგმულ მარქსისტულ მოძრაობას და მისი ერთგული დარჩა ბოლომდე.

ამ რამდენიმე წლის წინათ მოხუცებულმა პედაგოგმა თავი განება სამსახურს, მაგრამ მუდამ შრომას მიჩვეულმა უსაქმოდ მოსვენება ვერ პოვა და შეუდგა პროვინციულ სიტყვების შეკრებას; მარტო გურიის საზღვრებში მან შეკრიბა 3.000 ასეთი სიტყვა.

განსვენებულის ღვაწლი იმდენათ თვალსაჩინოა, განსაკუთრებით გურიისათვის, რომ მისი ხსოვნა და პატივისცემა წაუშლელი დარჩება ყველა გურულის გულში.

ბ. შ.

ლ ე ო ნ ვ ა ს ი ლ ე ვ ს კ ი

თებერვლის 16 ვარშავამ ორმოცი წლის იუბილე გადაუხადა პოლონეთის ცნობილ პოლიტიკურ და საზოგადოებრივ მოღვაწეს, ლეონ ვასილევსკის, რომელიც მთელი სიცოცხლე იბრძოდა ეროვნული იდეის განსამარჯვებლად.

ლ. ვასილევსკი დაიბადა 1870 წ.; განათლება მიიღო ლვოვის და პრაგის უნივერსიტეტებში. არალეგალურ მუშაობას ეწეოდა პოლონელ სოციალ-ორგანიზაციებში და მთავრობის დენის გამო იძულებული იყო ლონდონში გადასახლებულიყო, სადაც ხელმძღვანელობდა თავისუფალ ორგანოს «დილას». აქ იგი დაუახლოვდა რუსეთის სხვა ჩაგრულ ერების მოღვაწეებს. 1908-1914 წლ. იგი რედაქტორობდა პოლონ. სოციალისტების გაზეთს «რაბოტნიკს». 1918 წ. დაინიშნა განთავისუფლებული პოლონეთის საგარეო საქმეთა მინისტრად. ხოლო 1920 წ. იყო პოლონეთის ელჩად ესტონეთში.

ლ. ვასილევსკის მოღვაწეობის განსაკუთრებულთვისებას შეადგენს ბრძოლა ეროვნულ თავისუფლებისათვის. ის მუდამ დამცველი იყო არა მარტო თავის ერის, არამედ ყოველთვის ესარჩლებოდა ყველა დამონებულ ერს და იმ აზრს ქადაგებდა, რომ ყოველი ერი უნდა შეადგენდეს დამოუკიდებელ სახელმწიფოს.

ამ მცნების მატარებელი იყო ის ძველ დროს, ამასვე ემსახურება დღესაც და ამბობს, რომ საბჭოთა დღევანდელი ფედერაციის დაშლა აუცილებელია და თითოეული ერი ცალკე რესპუბლიკას შექმნისო. იუბილარი მუდამ დიდის სიმპატიით ეპყრობოდა ბოლშევიკების დაჩაგრულ ერებს და უკანასკნელნი, უეჭველია, სულითა და გულით შეუერთებენ თავის ხმას მთელი პოლონელი ერის ხმას კეთილშობილი მებრძოლის 40 წ. იუბილეს გამო.

ჩვენი მთავრობის თავმჯდომარემ მისალმების დეპეშა გაუგზავნა იუბილარს.

ალეკსიჯანელთა შორის

ბერლინში გამოვიდა პირველი და მეორე №№ ადერბეიჯანულ გაზეთის «ისტიკალ»ის (დამოუკიდებლობა) მ. ე. რასულ-ხადეს რედაქტორობით. გაზეთი არის გაგრძელება წინანდელ ადერბეიჯანულ გამოცემების «ოდლეუიურტ»ის და «ბილდირიშ»ის და მიზნად ისახავს ემსახუროს ადერბეიჯანის სახელმწიფოებრივ დამოუკიდებლობის აღდგენას, კავკასიის კონფედერაციას და რუსეთის ფარგლებში მომწყვეთელ დამონებულ ერების სოლიდარობას და კავშირს.

მეთაურში რედაქცია მწუხარებით აცხადებს, რომ ჩვენი წინანდელი გაზეთები გამოდიოდნენ სტამბოლში, მაგრამ ბოლშევიკების მთავრობის ჩარევისა გამო იძულებული გავეხდით გამოცემა ბერლინში გადაგვეტანა და იქ გაგვეანლებოდა ჩვენი მუშაობა.

— გაზეთის გამოსულ ორ ნომერში მოთავსებულია. სხვათა შორის, შემდეგი წერილები: რუსის ბოლშევიკების პოლიტიკა სომხების მიმართ, ადერბეიჯანულ გლეხების მოძრაობა საოკუპაციო ხელისუფლების წინააღმდეგ, ნ. რამიშვილის პროცესი, სწავლანათლების საქმე ადერბეიჯანში, ბოლშევიკურ ლიტერატორების «თავდასხმა», დაგვიანებული კრიტიკა (რასულ-ხადეს წიგნის გამო) და სხ.

გაზეთს მუდმივი განყოფილება აქვს მეზობელ და სხვა ჩაგრულ ერების განმათავისუფლებელ მოძრაობის შესახებ და ფართო ინფორმაცია ადერბეიჯანის ცხოვრების.

სულით და გულით მივესალმებით ჩვენს მოძმეს «ისტიკალს» და ვუსურვებთ, რომ დასძლიოს ყოველი სიძნელე და ყოველთვის მაღლა ეკავოს ადერბეიჯანულ ერის დავისუფლების დროშა. ღრმად გვწამს, რომ ის კეთილშობილური და გამირული ბრძოლა, რომელსაც ჩვენთან და სხვა დევნილ ერებთან ერთად ეწევიან მამაცი ადერბეიჯანელები, დამთავრდება სრული გამარჯვებით!

მოგვყავს გაზეთიდან ზოგიერთი საყურადღებო ცნობა:

ბამბის დამზადების გეგმა. მიუხედავად ბოლშევიკების უსასტიკეს ზომებისა, შესრულდა მხოლოდ 47 პროცენტით.

— სპარსეთში გადიდებულ პარტიზანების სიტყვით, ბოლშევიკებმა საგანგებო რაზმები დაგზავნეს ადერბეიჯანში პარტიზანების ამოსახოცად.

— მთავრობამ წითელი ორდენით დააჯილდოვა კომისარი მუსაბეკოვი, რომელიც წარმატებით ებრძოდა მუსავატის პარტიას.

— ადერბეიჯანელების ცნობით, თურქესტანში აჯანყება გრძელდება. გამოცხადებულია საყოველთაო მობილიზაცია, განსაკუთრებით რუსებისა 19-31 წლამდის.

— ადერბეიჯანში გლეხთა ბრძოლა კოლექტივიზაციის წინააღმდეგ კვლავ გრძელდება. ბოლშევიკები მხეტურ ზომებს მიმართავენ. გაზეთი ბეჭდავს ვრცელს სიას განადგურებულ სოფლებისა და დაზვრეტილ მებრძოლთა.



დაიბეჭდა და გამოვიდა გახაყიდად

ს ა ქ ა რ თ ვ ე ლ ო ს ი ს ტ ო რ ი ა

მოკლე მიმოხილვა

უძველეს დროიდან 26 მაისამდე.

დავით აღმაშენებლის, თამარ მეფის, შ. რუსთველის და ერეკლე მეორის პორტრეტებით.

გამოცემა «დამოუკიდებელ საქართველოში».

ფასი ხუთი ფრანკი.

«დამ. საქართველოს» წლიური ხელისმომწერი, რომელიც თებერვლის ბოლომდის მთლიანად გადაიხდის წლის ფასს, «საქართველოს ისტორიას» მიიღებს უფასოთ.



უკრაინელთა უოკრის

გეპეუმ აღმოაჩინა უკრაინაში დიდი ეროვნული შეთქმულობა სოც. რევოლუციონერების ხელმძღვანელობით. შეთქმულთ ფართო ორგანიზაცია ჰქონდათ და მრავალი განყოფილება გლეხთა შორის, რომელიც ბოლშევიკების ძალმომრეობამ მიიყვანა უკიდურეს გამწარებამდე, რამდენიმე საიდუმლო სტამბა ჰქონდათ და ავრცელებდნენ მოწოდებებს, სადაც მოითხოვდნენ უკრაინის დამოუკიდებლობას. ეს მესამე შეთქმულობაა საბჭოთა წინამდევ, რომ აღმოაჩინა გეპეუმ ერთი წლის განმავლობაში.

— უკრაინელ კომუნისტებს მოსკოვი ყოველთვის შოვინისტების სახელით ნათლავდა. ესლა უკრაინის კომ. პარტიის ცენტრალ. კომიტეტი მოსკოვში გადაიყვანეს, რომ უკეთ ადევნონ თვალყური მის მუშაობას, და კომიტეტის წევრთა შორისაც დიდი «გაწმენდა» მოახდინეს. უკრაინის კომისართა საბჭოს თავმჯდომარე ჩუბაროც გადააყენეს და მოსკოვში გაიწვიეს.

— დაუწყეს დევნა უკრაინელ ისტორიკოსებს ეროვნული და პატრიოტული აზრების გავრცელებისათვის, ზოგიერთები გადააყენეს და რუსეთში გადასახლეს. აკრძალეს ბევრი ისტორიული გამოცემა და უკრაინის აკადემიას ხარჯთაღრიცხვა შეუშვირეს 60 პროცენტით.

— იაპონიის მთავრობის წარმომადგენელმა მიიწვია მანჯურიაში უკრაინელთა რწმუნებულები და სთხოვა მათ მხარი დაუჭირონ ახალ წყობილებას, რომელიც დაიცავს მათ ბოლშევიკების დევნილებას.

მოკარობა თურქმენებში

იმეორ კასპიის მდგომარეობა არაფრით განსხვავდება კავკასიის მდგომარეობისაგან. ორი წელიწადია განუწყვეტელი აჯანყებებია. რაიც ბოლშევიკების სასოფლო პოლიტიკამ გამოიწვია. ადგილობრივი წყნარი და მშვიდობიანი ხალხი ძალადობამ სასოწარკვეთილებაში ჩააგდო და იარაღი აიღო ხელში თავის ღირსების, ქონების და სიცოცხლის დასაცავად. ხშირად ადგილობრივ მკვიდრთ რუსებიც უერთდებიან. მთავრობასა და მცხოვრებლებს შორის ნამდვილი ომი სწარმოებს და მრავალ მსხვერპლს იწვევს ორთავ მხარეზე. ყირგიზები და თურქმენები ათიათასობით არიან გადასახლებულნი ჩრდილოეთ რუსეთში, სოლოვკებში, ამდენივეა გაქცეული მთებში და ავღანისტანში. ბევრი დაკარგეს ბოლშევიკებმაც.

ავღანისტანსა და მთებში გახიზნულებმა ცალცალკე რაზმები შეადგინეს და თავს ესხმიან კომუნისტებს, საბჭოთა მოხელეებს, ხოცავენ და ართმევენ, რაც კი თან აქვთ. ხანდახან ეს რაზმები შეიჭრებიან ქალაქებსა და დიდ ცენტრებში. ასე მაგალითად სამარყანდში დაეცნენ საფინანსო განყოფილებას, გაძარცვეს, გაანადგურეს გადასახლების ფურცლები და უკან გაბრუნდნენ. მეორე ალაგას აჯანყებულები შეუვარდნენ სახლში კომისარს, მთელი ქონება გაიტაცეს, თვითონ კომისარი ცოცხალი დატოვეს მისი ცოლშვილის ვედრებით.

გარდა ამ პარტიზანულ თავდასხმებისა ხდება უფრო დიდი შეტაკებანი. ამას ადგილი აქვს უფრო ავღანისტანის საზღვარზე. აჯანყებულთა და წითელარმიელთა ბრძოლები დღემდის გრძელდება. ასე ხდება სპარსეთის საზღვარზედაც და ფერგანში, სადაც მოქმედობს კერ იშმათის ძლიერი რაზმი. ეს იშმათი 1923-24 წლ. ავღანისტანში გადასახლდა, ხოლო ესლა ისევ დაბრუნდა და განაახლა ბრძოლა ბოლშევიკების წინამდევ. ფერგანშივე დიდი სახელი აქვს მოხვეცილი 60 წლის ყირგიზს, რომელიც მეტად აქტიური და შეუთრგებელი მოწინააღმდეგეა ბოლშევიკების.

გვთხოვენ გამოვაცხადოთ:

საქ. ს.-დემ. პარტიის საზღვარ გარ. ბიურომ მიიღო გადასახლებულთა სასარგებლოდ:

ვარშავიდან (კ. იმნაძიდან)—ქართველთა კოლონიის კომიტეტის შემოწირულება სამას ორმოცდაათი ფრანკი (350 ფრ.) და პრალიდან (ემ. ლომთათიძიდან) იქაურ ამხანაგებში შეგროვილი ორას სამოცდა შვიდი ჩეხ. კრონა (267 კრ.).

ს ი რ ც ხ ვ ი ლ ი ა!

რამდენიმე კვირაა, პარიზის ქართულ ბიბლიო-
თეკაში მოეწყო ქართული სკოლა ქართველ ბავშვ-
ბისათვის (5, Villa d' Orleans, ალენიას მეტრო). გა-
მოჩნდა შეგნებული და კეთილი ადამიანი, რომელიც
კვირაში ორჯელ ხუთშაბათობით და კვირაობით
უფასოთ ასწავლოს ბავშვებს ქართულ წერა-კითხვას,
უკითხავს მოთხოვნებს, უამბობს ამბებს საქართვე-
ლოს ისტორიიდან და განზრახვა აქვს მოაწყოს ქარ-
თული სათამაშოებიც.

ამის შესახებ განცხადება უკვე იყო დაბეჭდილი
ჩვენს გაზეთში და დღესაც იბეჭდება.

ბუნებრივი იყო, რომ ქართველი მშობლები სი-
ხარულით შეხვდებოდნენ ამ განცხადებას და მიიყვან-
დნენ დაუყოვნებლივ თავიანთ შვილებს მასწავლებე-
ლთან. ბავშვები ისწავლიდნენ ქართულ წერა კითხვას,
გაიგონებდნენ თავის სამშობლოს ამბებს, ცოტათი
მანც გაიცნობდნენ. გაიცნობდნენ და დაუახლოვ-
დებოდნენ ერთმანეთს და ასე თუ ისე თავისთავს ქარ-
თულ წრეში, ქართველ საზოგადოებაში იგრძნობ-
დნენ.

სამწუხაროთ, კეთილშობილურ მოწოდებას დღე-
მდის, მგონი, მხოლოდ ერთი ოჯახი გამოეხმაურა
და სკოლაში სამად-სამი ბავში დადის სამეცადინოთ.
სხვები. სხვა ქართველი მშობლები?

სხვები სდუმან და თავს არ იწუხებენ, არ უნდათ
შეიგნონ თავისი ელემენტარული მოვალეობა, არ
უნდათ, რომ მათმა შვილებმა კვირაში ორჯელ
მანც იქართველონ. ცოტა ქართული მანც ისწავ-
ლონ და გადარჩნენ სრულს გადაგვარებას.

რას ნიშნავს ეს—უკულტურობას, შეუგნებლო-
ბას, დაუდევრობას?

არავის შეუძლია თავის მართლება და მობოდი-
შება. ყველა მოახერხებს, კვირაში ოთხიოდე საათი
მოანდომოს თავის შვილების საღ აღზრდას და თავის
ხელით მიიყვანოს ისინი სკოლაში, ყველა მოახერ-
ხებს იზოვნოს საამისო გზის ხარჯი—რამდენიმე სუ...
სირცხვილია!

ქართველი მშობლებო, გონს მოდით და მაგა-
ლითი მიეცით ერთმეორეს!

ნუ ღალატობთ თქვენს ერს, ნუ ივიწყებთ სამ-
შობლოს.

რაც უნდა შევიწროვებულნი იყვნეთ, მანც შეა-
სრულებთ წმინდა ვალდებულება შვილების წინაშე!



ქართველ მშობელთა საპუბლიკაციო!

ა.წ. თებერვლის 4-ს ქართული ბიბლიოთეკის შე-
ნობაში (5, Villa d'Orléans, მეტრო Alesia) ნაშუად-
სრულ 5 ნახ. ს. ქართველ ბავშვებს დაეწყებათ მეცა-
დინეობა ქართულ ენაში, სრულიათ უსასყიდლოთ.

მეცადინეობა იწარმოებს კვირაში ორჯერ:
ხუთშაბათობით 5 ნახ.—6 ნახ. საათამდე.

კვირაობით 4 საათ. 5 საათამდე.
მეცადინეობას ხელმძღვანელ. დ. ხარისტირაშვილი.

მოწაფეთა წინასწარი ჩაწერა შეიძლება—ბიბლიო-
თეკაში ყოველ დღე საღ. 8 საათიდან 10 საათამდე.

წერილები რედაქციის მიმართ

I.

პატივცემულო ბ.ნო რედაქტორო,

უმორჩილესად გთხოვთ გამოაქვეყნოთ წარსულ
დეკემბერში «ტუბერკულოზით ავადმყოფ ქართველ-
თა დამსმარე კომიტეტი»ს მიერ მოწყობილი «შობის
ხის» ანგარიში.

შემოსავალი:

ბნი ა. მდივანი	ფრ.	4.000
ქ.ნი ე. აფხაზის განკარგულებაში:		
1. ამერიკიდან		500
2. ლონდონიდან ინგლ. კომ. მიერ		860
ქართველთა ასოციაცია		411
ქ.ნ კალბი კარონგტონ		200
ბ.ნალ. ასათიანისათვის გადაცემული		50
შესავალი ბილეთები		545
«დედა-ენა» (გაიყიდა)		25
	6.591	

გასავალი:

დარბაზი	425
ორკესტრი	175
სანოვაგე და ხილი (პალში ნაყიდი)	708.60
სათამაშოები და ხის-მოწყობა	741.95
	2.050.55
წმინდა შემოსავალი	4.540.45

კომიტეტი უღრმესს მადლობას სწირავს ბ.ნ ა.
მდივანს მისი უხვი დახმარებისათვის და ასოციაცია-
ციის თავმჯდომარეს ბ.ნ ნ. ცინცაძეს. აგრეთვე შემ-
დეგ პირთ, რომელთაც ყოველ მხრივ ხელი შეუწყვეს
თავისი შრომით: ბ.ნ ლევან მამულაიშვილის ოჯა-
ხობას, ქქ. მ. დოღობერიძეს, ლ. ნოზაძეს, მ. გვარჯა-
ლაძეს, მ. გვაზავას, ირა, ელზა და ნელი მდივანთ;
ბბ. თუხარელს, ნაკაიძეს, გ. ერისთავს, გ. ბერიძეს,
ჯ. გვაზავას, ი. და პ. ჯაფარიძეს.

ტ. ა. ქ. დ. კომიტეტმა დეკემბერში მიიღო პრა-
ლიდან ბ.ნ ლომთათიძის მიერ შეგროვილი 165 ფრ.
45 ს. და თებერვალში ვარშაიდან ბ.ნ კ. იმნაძის სა-
შუალებით ვარშავის კომიტეტისაგან: 350 ფრ. შემო-
წირულება და 140 ფრ. რომელიც შეადგენს იქ გაყი-
დულ დ. ხელაძის მიერ გამოცემულ «დედა-ენის» შე-
მოსავლის ნახევარს. კომიტეტი დიდ მადლობას უძ-
ღვნის დასახელებულ პირთ და ორგანიზაციებს, რომ-
ელთაც ამ საერთო კრიზისის დროს მანც არ დაი-
შურეს დახმარება.

ბ.მა დ. ხელაძემ კომიტეტს დაუთმო ნახევარი
ყველა იმ თანხისა, რომელიც შემოვა მის მიერ დაბე-
ჭდილ «დედა-ენის» კომიტეტის საშუალებით გაყი-
დვისაგან, რისთვისაც კომიტეტი უღრმესს მადლო-
ბას უცხადებს ბ.ნ დ. ხელაძეს.

კომიტეტის თავმჯდომ.: ელ. აფხაზისა.
მოლარე: ელ. დევანაძისა.

II.

ბატონო რედაქტორო,

გთხოვთ მიიღოთ ჩემი წვლილი--50 ფრანკი—ქა-
რთველ უმუშევართა სასარგებლოდ.

რ. ინგილო.

რომი. თებერვალი.



ისტორიული ამბები

განზრახვა გვაქვს, პატარ-პატარ ამბების სახით, გავაცნოთ მკითხველებს საქართველოს ისტორიის ზოგიერთი მთავარი ეპიზოდი. რაც უქვეყნია დაინ-მარება მათ ჩვენი წარსულის შესათვისებლად. ეს კი აუცილებელი საჭიროებაა. ეხლანდელი ქართველობის უდიდესი ნაკლი თავის ერის თავგადასვალის სრული უცოდინარობაა და ამით მეტად შეფერხებულია როგორც ჩვენი საზოგადოებრივი მუშაობა. ისე ყოველდღიური ცხოვრება. ადამიანები, რომელთაც არა უწყიან რა თავის ქვეყნის გარდასრული ამბების, ვერასოდეს აწარმოებენ სწორს ეროვნულ პოლიტიკას და ვერც პრაქტიკულ უნარიანობას გამოიჩენენ. რადგან სინამდვილისაგან გარიყული არიან. საქართველოს დღევანდელი დღე გუშინდელის წარმოშობილია და ვერავინ გაიგებს აწმყოს, ვინც გუშინდელს არ იცნობს.

განსაკუთრებით საჭიროა ქართველი ერის ისტორიის ცოდნა ემიგრანტობაში, როცა მოკლებულნი ვართ საშუალებას უშუალოთ განვიცადოთ ჩვენი ქვეყანა და ჩვენი ერი. აქ შეგვიძლია მხოლოდ მშობლიურ ისტორიაში ხშირი ჩახედვით და ისტორიული ამბების მოგონებით გავიცხოველოთ ჩვენს შემეცნებაში ქართველი ერი და წარმოვიდგინოთ იგი როგორც სრული რეალობა და არა განყენებული იდეა. ეს აუცილებელია უპირველასად აქაურ ჩვენი მოზარდ თაობისათვის, რომელსაც მკრთალი სახე აქვს დარჩენილი სამშობლოსი ან არც კი ახსოვს ან არც უნახავს.

იმედი გვაქვს, ჩვენი ისტორიული ეპიზოდები ქართველ მკითხველს დაინტერესებს და შემდეგ იგი მონადროებს, უფრო ვრცლად და დალაგებით გვეცნოს საქართველოს ისტორიას, რომელიც ოღონდაც რომ მდიდრია და აღსავსე სიდიადით.

ამ «ისტორიულ ამბებს» ვიღებთ «ქართლის ცხოვრებიდან», ხანდახან შეგვაქვს მცირეოდენი ცვლილება, ხან დაურთავთ რასმე, ხან მათიანეს მოცემულ თეზას გავშლით და გავაფართოვებთ. ხოლო ნამდვილ ფაქტებს არასოდეს ვლაღობთ. «ქარ. ცხ.»-ის ნაამბობს აქა-იქ ლეგენდური ხასიათი აქვს. მაგრამ ეს ლეგენდაც ძვირფასია. რადგან გამოხატავს ჩვენი ერის იდეალს, რწმენას, მისწრაფებას. მაგალითად წმ. ნინოს ცხოვრებაში (იმ სახით, როგორცაა «ქ. ცხ.»-ში, შედგენილია დაახლოებით მეათე საუკ.) ვხედავთ, რომ ქალის მაღალი პატივისცემა, რომლის უადრესი გამოხატულება რუსთაველმა მოგვცა, შორიდან შემუშავებული ეროვნული თვისებაა.

ორიოდ სიტყვა თვით «ქარ. ცხოვრების» შესახება: ეს ჩვენი ისტორიის უმთავრესი წყაროა, თუმცა არაა ერთად ერთი—არსებობს სხვა ისტორიული დოკუმენტებიც. «ქ. ც.» შეიცავს სხვადასხვა პირობების დაწერილ ისტორიულ აღწერილობას. მეათე საუკუნემდის შედგენილია წერილობით თუ სიტყვიერი გადმოცემების მიხედვით მე-11 ს. დასაწყისის ისტორიკოსის მიერ. მერმინდელი ამბები მე-14 ს. დის

აღწერილია სულ თანამედროვეების მიერ. აქედან მე-17 ს.-მდის ჩვენი მათიანე არ დაწერილა ან არ შენახულა და მე-18 ს. დამდეგს ვახტანგ VI-ის მოწვეულ სწავლულ კაცთა კომისიამ სხვადასხვა ისტორიულ საბუთების წყალობით შეადგინა «ქ. ცხ.»-ის გაგრძელება. არსებობს აგრეთვე უცნობი პირის შედგენილი სხვა გაგრძელებაც. მე-17 და 18 ს. ს. შესახებ მოიპოვება თანამედროვეთა აღწერილობანი. მე-18 საუკუნეშივე ცხოვრობდა ჩვენი გამოჩენილი ისტორიკოსი ვახუშტი ბატონიშვილი, რომელმაც დაგვიტოვა ძვირფასი გეოგრაფიულ-ეთნოგრაფიული აღწერა საქართველოსი და «ისტორია».

I. წმ. ნინოს სიხარბი.

ახალი ზაფხულის მცხინვარე მზე ჩასასვლელად დახრილიყო, როცა ნინო, რომელი ტყვედ იტყოდა თავის თავს. ჯავახეთში ფარავნის ტბას მიუახლოვდა. გრძელი გზა გამოიარა და მრავალნი ჰირნი დაითმინა, იერუსალიმიდან რომში და რომიდან სომხეთში და ქართლისა ქვეყანამდის...

ჯერ კიდევ ბავში იყო, მამა მისი ზაბულონ ბერად რომ აღიკვეთა და წარვიდა სახარების საქადაგებლად კაცთა ველურთა შორის, ხოლო დედამ სოსანამ ძაბა შეიმოსა და მისცა თავი გლახაკთა დედათა მსახურებას. მაშინ ნინო მისმა ბიძამ მონახუნს ნიაფორს, დვინელს სომეხს, მიაბარა ვასაწრთვლად.

ნიაფორმა სიყვარულით მიიღო ობოლი და ამ სიტყვებით მიეგება: «ვხედავ, შეილო ჩემო, ძალსა ძუისა ლომისასა, რომელი შეუძახებს ყოველთა ოთხფეხთა, გინა არწივსა დედალსა, რომელი უფროს მამლისა აფრინდება მაღლა ჰაერში და მიმოხედავს მთელს ხმელეთს თავის მარგალიტისა მცირითა გუგათი და რა დაინახავს საქმელსა მისა, მიეტყვის მას ზედა. ეგრეთ იყოს ცხოვრება შენი.» ორი წელი დავყო ნინომ ნიაფორთან და ზემდინწევით შეისწავლა ქრისტეს ცხოვრება და სახარება. ვინაითგან ნიაფორი დიდი მეცნიერი იყო სჯულის, ძველისა და ახლის და ყოველივე დალაგებით გააცნო ნინოს. ხშირად უამბობდა ქრისტეს კვართის ამბავს, რომელი ერგო მცხეთელ ურით, წამოიღო იგი ელიოზმა და მიეგება მას და მისი, წადიერებით და სურვილით შეიტკობ კვართი მკერდსა და მყის განუტევა სული და დამარხეს და არ გამოუღეს მკერდიდან კვართი უფლისა.

ჰკითხავდა ნინო: თუ სადამცხეთა და ვინაა ერი იქაური? და ეტყოდა ნიაფორი: ქვეყანაა ქართლისა, სომხეთის ჩრდილოსა, და არის საწარმართო.

და კვალად უამბობდა ნიაფორი: შემდგომად ამაღლებისა უფლისა, რაჟამს წილ იგდეს მოციქულთა, მაშინ ღვთისმშობელს წილად ხვდა მოქცევა ქართლისა. ხოლო ეჩვენა მას ძე მისი იესო და ჰრქვა: «დედაო ჩემო, არა უგულვებელ ვყო ერი იგი, უფროს ყოველთა ნათესავთა ღირსი პურისა ზეცისა. მაგრამ შენ წარავლინე ანდრია პირველწოდებული ნაწილსა მას შენდა ხვედრებულსა და თანა წარატანე ხატი შენი».

წამოვიდა მოციქული ანდრია პირველწოდებუ-



ლი, ბრძანებითა ღვისმშობლისა მარიამისა, და მოვიდა ტრაპიზონს, რომელი არის ქალაქი მეგრელთა, სადა კაცნი პირუტყვითა უგზურეს იყვნენ და ყოველსა არაწმინდასა და საძაგელსა წესსა აღასრულებდნენ. მოაქცია ყოველნი და მოიყვანა სარწმუნოებად. მერე მოვიდა საზღვარსა სამცხისასა და ქმნა სასწაულნი, დაამსხვრია ელენთა კერპნი აპოლონისა და არტემისა. შეკრბნენ მესხნი ყოველი მხრით, ირწმუნეს ქრისტე და სიხარულით ნათელ ილეს. დაუდგინა ანდრიამ მღვდელნი და დიაკონნი, დაუტოვა ხატნი და ჯვარნი და დაბრუნდა იერუსალემს. ხოლო ესმა რა ქართლისა მეფესა ადერკის ქართველთა და მეგრელთაგან წინაპართა სჯულის დატყვება, გაგზავნა ერისთავნი და იძულებით მოაქცია ყოველნი, და გაუწყრა ერისთავსა კლარჯეთისა, რომ მშვიდობით განუტყვეა ანდრიამ...

გულდასმით უსმენდა ნინო ნიაფორს და აღებდა დიდი წადილი, მონახოს კვართი უფლისა და იხილო ქვეყანა ქართლისა, რათა განავრცოს ანდრიას მოციქულობა. დაიხსნას ერი წარწყმედილი და მიფინორ მადლი სახარებისა ნაწილსა ყოველად წმიდისა წილხდომილსა.

შენვდა დედაკაცი ვინმე ეფესოდან და მასთან ერთად გაემგზავრა რომს. ნახა მუნ ქრისტეს მოყვარე დედოფალი რიფსიმე და სახლეულნი მისნი, იმყოფებოდა მათთან მონასტერში და კვლავ გამოიძიებდა ქართლისა ამბავს.

ამის შემდგომად სდევნა კეისარმა რიფსიმე და ყოველნი მისნი. და რა იხილეს ესე განსაცდელი წმიდათა დედათ, ფარულად დასტოვეს სავანე, ივლტოდნ და მიაწიეს არეთა და კერძოთა სომხითისა. ხოლო მეფე ამ ქვეყნისა თრდატ აღივსო ტრფიალებითა და განიზრახა რიფსიმეს ცოლად მოყვანება. წმიდამან უარი უთხრა ურწმუნოსა მეფეს და მაშინ აწამეს რიფსიმე და მასთან სხვა ასულნი. რომელნიმე მათგანი დაიმაღნენ და გამოიქცნენ. ეგრეთვე ნინო დამალულ იყო ეკალთა შორის და შემდეგ ღამით, ტყე და ტყე მავალი, წამოვიდა ჩრდილოს და მოაწია ჯავახეთს.

«აჰა ქვეყანა იგი, სადა ფრიად არს სამკალი, ხოლო მუშაკი ყოველად არა!» თქვა ნინომ თავის გულში. ვადაავლო თვალი არე-მარეს—შორს მოსჩანდა მთები, თოვლითა სავსენი, და შეძრწუნდა.

შეეშინდა მარტოს, უცხოს მხარეს, დაუმძიდა ტყითი.

მიიხედა უკან—გრძელი და ძნელი გზა იყო გამოვლილი. გაიხედა წინ—უარესი მოვლოდა: კაცნი წარმართნი და არაწმინდანი, და გარშემო ტყენი და მთანი! რაოდენი ვასაჟირი, რაოდენი დევნა და განსაცდელია გამზადებული მისთვის! ვით შეუძლია მას, ქალს უღონოს, შეებრძოლოს ასპიტთა და იქედნეთა?

დაღონდა მწარედ, განზრახულის შიში შეეპარა, უღირსად თვლიდა თავისთავს და იტყოდა: «უფალო, უფალო, მიიღე სული ჩემი ჩემგან».

დამაშვრალს, მშვიერს მუხლები მოეკცა. დაჯდა სული მოითქვა. დაისვენა.

ტბაზე მონადირე მეთევზურთა ესე შეწუხებული

დედაკაცი რომ იხილეს, საზრდელი მიაწოდეს. შებინდდა და მახლობლად მწყემსნი დაბინავდნენ და სერობა განიზრახეს. ხოლო ვიდრე ლუკმას აღებდნენ, თავიანთი ღმერთები არმაზი და ხადენი აღიდეს და დიდთა შესაწირავთა აღუთქმდნენ. «ოდეს მოვიდეთ წინაშე თქვენსა მშვიდობითო». სათნო ჩნდა მათი სახის სიკეთე, მივიდა ნინო მათთან და რადგან ესწავლა მცირედ ნიაფორისაგან სომხური, პპოვა მწყემსთა შორის ერთი მზრახველი სომხურისა და ჰკითხა:

—რომლისა სოფლისანი ხართ?—მწყემსმა მიუგო: ვართ ჩვენ ქალაქისა მცხეთისანი, სადა ღმერთნი ღმერთობენ და მეფენი მეფობენ!

იწყეს უბნობა და ეტყოდა მწყემსი: მეფე ჩვენი არს უდიდეს ყოველთა მეფეთა ქართლისათა, ოდესმე ყოფილთა და ღმერთი არმაზი არის უძლიერეს ყოველთა ღმერთთა სოფლისათა და კერპი მისი სპილენძისა აღმართულია მცხეთას, აცვია ტანსა ჯაჭვი ოქროსა და თავსა ხურავს ჩაფხუტი ოქროსავე, სამხრენი და თვალნი აქვს ზურმუხტისა და ბივრეტისა და უპყრია ხმალი ელვარე, რომელი მიმოიქცევის ხელსა მისა შინა და შიშსა და ვაებასა დასცემს ყოველთა მხილველთა, და თვით მეფე პირქვე დაემხობა წინაშე მისა. მეფე ქართლისა არს მირიან, ძე სპარსეთისა მეფისა ქასრესი. ვინაიდგან დაესრულა მეფობა ფარნავაზიანთა და არშაკუნიანთა, და ერისთავთა სთხოვეს ქასრეს ყრმა შვილი და შერთეს მას ასული უკანასკნელი მეფის. ხოლო ეს მირიან აღიზარდა ქართლში, შეიყვარა ქართველნი, დაიციწყა სპარსული და დაისწავლა ენა ქართული. მიიცივალა პირველი ცოლი მირიანისა და დღეს დედოფალია ნანა...

დაქანცული, სასოწარმნეული, მწარე საგონებელს ჩავარდნილი განშორდა ნინო მწყემსებს და კიდევ უფრო შეუშინდა თავის, დიდი ხნის, მისწრაფევას.

განმარტოვდა, დაადვა თავი ლოდსა და ვით წყარონი აღინა ცრემლინი. სტიროდა და ევედრებოდა ქრისტეს შებრალეზას და პატივებას, რომ იტვირთა საქმე, რომლის არა იყო შემძლებელი: «მე, უფალო, დედაკაცი ვარ და უმეცარი, როგორ მივიღე უცხოთა ქვეყანასა და ვუქადაგო სიტყვა შენი კაცთა მათ უცხო-თესლთა».

დაუძლურებულმა დაიძინა იქვე და ნახა სიხმარი. მოვიდა კაცი ერთი პასაკითა ზომიერ, თმითა ნახევარ თმოსანი, შებლარდნილი ცეცხლისა ზეწარითა და ჰრქვა:

«არცა მამაკაცება არს, არცა დედაკაცება, არამედ თქვენ ყოველნი ერთ ხართ. წარვედ და მოიმოწაფე ყოველნი წარმართნი და ნათელი ეც ერსა ქართლისასა».

დილით ადრე გამოიღვიძა ნინომ და სიხმარი უჩნდა, როგორც ნამდვილი ნიშანი და ბრძანება ღვთისა. რწმენითა და სიხმნით გამოისახა პირს ჯვარი და მტკიცედ დაადგა გზას, რომელიც მწყემსთა ასწავლეს, მცხეთისა ქალაქისაკენ.

ს. ციციშვილი.